

唐會要卷第七十

量戶口定州縣等第例

州縣分望道

十四日 州縣改置上

量戶口定州縣等第例

武德令三萬戶已上為上州永徽令二萬戶已上為上州至顯
慶元年九月十二日勅戶滿三萬已上為上州二萬已上為中
州先已上為上州中州者仍舊至開元十八年三月十七日勅
太平時人戶口日殷宜以四萬戶已上為上州二萬五千戶為
中州不滿二萬戶為下州其六雄十望州三輔等及別勅同上
州都督及畿內州並同上州緣邊州三萬戶已上為州上二萬
戶已上為中州其親王任中州下州刺史者亦為上州王去任
五千已上為上縣二千戶已上為中縣一千

一、... 縣至開元十八年三月七日以六千戶已上為
上縣三千戶已上為中縣不滿三千戶為中下縣其赤畿望緊
等縣不限戶數並為上縣去京五百里內并緣邊州縣戶五千
已上亦為上縣二千已上為中縣一千已上為下縣...
太平... 州縣分望道... 四萬... 已上... 二萬... 五千...

正規元年三月十日併省州縣始因關河近便分為十道

一曰關內古雍州之地 二曰河南道古兗豫青徐四州之地 三曰河東道古冀州之地

四曰河北道古幽冀二州之地 五曰山南道古荆梁二州之地 六曰龍右道古雍梁二州之地

七曰淮南道古揚州之地 八曰江南道古揚州之境 九曰劍南道古揚州之境

十曰嶺南道古揚州之境

凡天下三百六十州自後併省迄于天寶凡三百三十一州存焉

而霸縻之州八百京兆府尹有三京兆河

大都督有五潞楊益荆幽

都護府有六單于安西安北為大都護

又有上中下都督府凡天下軍有四十府有六百三十四鎮有

五十戌五百九十守捉有三十五

并五月出使者以山南控帶江山疆界闊遠於是分為

西兩道又自黃河已西分為河西道

關內道

督府 鹽州永泰元年十一月并

州 寧州至德元年十月二十九日并

原州乾元三年正月十一日并

州 七月元州並會昌四年四月 日并

丹州大曆六年五月升

省州元和九年五月復置隸夏州

京兆府雲陽縣元和二年十月升以宗陵故也

奉光縣開元十七年十一月十日升以奉陵寢

以張愿為縣令

醴泉縣廣德元年五月十日升以崔演為縣令

富平縣正元四年正月十六日升以薛統為縣

令三原縣同上年月升以王鄴為縣令

咸陽縣天授二年四月二十一日以管武氏陵

井以文字意為縣令神龍元年十月二十九日

復為畿

條井繁州

奉天縣貞元元年正月一日升以杜元為縣令

新井次赤縣

華州鄭縣光化元年六月升至天祐四年閏十

條井繁州

一月復為一縣

條井繁州

華州鄭縣華陰下邽三縣開元四年二月二十

西開六日定

同州馮翼朝邑蒲城澄城白水等

縣開元四年二月二十六日升

岐州雍縣扶風陳倉三縣同上年月日升

靈州迴樂縣至德元年七月十二日升

寧州安定縣至德元年十二月九日升

邠州新平縣正元十年十二月升

靈州懷遠縣至德元年十三日升

寧州彭原縣至德元年二月九日升

新井繁縣

新井上縣

鄜州洛交縣正元六年三月三十日升
靈州靈武弘靜温池鳴沙等縣至德元年七月
十三日升原州平高縣乾元三年正月十一
日升夏州朔方縣正元四年十二月二十八
日升益州五原白池縣永泰二年十月升
丹沙汾川縣大曆六年五月升
延州膚施門山縣同上年月日升

河南道

新井都督府
新井雄州
新井望州
新井繁州

登州大曆九年五月升
汝州會昌四年四月升
青州大曆六年五月升
鄆州徐州並會昌四年五月升
魏州同上年月日升

新井上縣

蔡州元和十四年四月重定淮西州縣及官吏
祿俸以蔡州為繁其刺史俸錢一百八十千
長史以下有差

海州密州正元五年八月六日升
泗州正元二十年正月內升
宿州元和四年正月以徐泗符離蘄虹三縣置
亳州元和三年九月升
穎州會昌二年十一
月升
唐州正元十五年四月升
河南府緱氏縣天祐二年四月四日升以奉昭
宗和陵故也

新井望縣

魏州閭鄉汴州浚儀尉氏開封等縣並開元四
年二月二十六日定

雍丘縣開元十二年九月八日升

滑州酸棗縣開元四年二月二十五日定

白馬縣大曆五年三月升

許州扶溝縣開元四年二月二十六日定

鄭州管城陽武新鄭崇澤等縣並開元四年二

月二十六日升

宋州宋城縣開元四年二月二十六日升

襄邑縣會昌四年十一月升

陝州陝縣桃林河北芮城等縣開元四年二月

二十六日升

兗州金鄉縣開元四年二月二十六日升

汝安梁縣開元十二年七月八日升

仙州襄城縣同上年月日升

蔡州汝安縣正元七年正月二十二日升

徐州彭城縣正元六年十月升

鄆州須昌鉅野縣等正元二年二月一日升

青州益都縣大曆五年正月升

魏州弘農縣乾元三年二月一日升

鄆州鄆東河縣壽張盧縣正元二年二月一日升

兗州曲阜縣會昌二年二月升

宿州符離縣會昌四年十二月升

宋州柘城縣同上年月日升

潁州汝陰縣同上年月日升

青州臨淄壽光縣大曆五年正月升

新升緊縣

新升上縣

魏州盧氏朱陽玉城縣乾元三年四月十四日
升汝州臨汝縣正元八年二月二十六日升
蔡州遂平縣元和十二年四月內置
潁州潁上縣元和六年九月升
唐州方城縣正元十五年四月升
陝州垣縣正和三年十一月升

河東道

新升次赤縣

河中府河東河西縣乾元三年三月改

新升望縣

蒲州河東安邑稷泉汾陰虞鄉縣等並開元四
年二月二十六日升

猗氏解縣開元十二年二月二十六日升

絳州正平翼平龍門聞夏縣開元同上年月升

汾水孝義隰城介休平遙等縣同上年月日升

洪洞縣等同上年月日升

并州太原晉陽祁縣等縣同上年月日升

潞州上黨縣同上年月日升

河北道

新升望州

具州大曆七年正月升

新升上州

媯州正元七年五月七日升

定州元和四年六月改

涿州大曆五年十一月升

新升望縣

瀛州河間縣開元四年二月二十六日升

博野縣大曆七年正月升 冀州南宮信都縣

深州饒陽縣 具州宗城縣俱同上年月日升

臨清縣大曆七年正月升

相州滏陽縣開元四年二月二十六日升

魏州貴鄉昌樂縣魏頓立縣等上年月日升

館陶冠氏縣大曆七年正月升

洛水永年縣開元四年二月二十六日升

懷州河內武德武陟獲嘉縣同上年月日升

德州安陵縣天寶八年五月一日升

恒州真定縣貞元元年十一月十九日升

幽州昌平縣正元十九年九月升

薊縣開元二十三年十二月一日升

新升緊縣

魏州臨黃縣大曆七年正月升

貝州清陽縣同上年月日升

恒州石邑藁城縣貞元元年十一月十九日升

滄州清池縣大曆七年正月升

莫州鄭縣正德十九年八月升

新升上縣

媯州懷戎縣正元七年五月七日升

山南道

新升都督府

利州大曆拾年十一月七日升

新升雄州

龍州長慶四年十月升

新升望州

襄州商州會昌四年五月升

新升上州

梁州永泰元年二月升

隨州正元十五年四月升

復州郢州並元和六年九月升

金州會昌四年五月升 洋州永泰元年二月升

新升中州 硤州建中二年四月三十日升

新升次赤縣 江陵府河陵縣正元元年九月升為畿縣

吳元府南鄭縣吳元元年六月升

新升望縣 荊州江陵縣襄州襄陽縣並開元四年二月二

十六日升

商州商潞縣梁州南鄭縣並永泰元年二月升置

鄧州穰縣大曆四年十一月升

新升緊縣 商州上洛縣乾元三年四月十四日升

梁州固城縣洋州吳道縣閬中縣並永泰元年
二月升

新升上縣 硤州夷陵縣上元二年六月十五日升

復州竟縣陵沔陽縣元和六年九月升

隨州光化縣同上年月日新

商州洛南縣正元四年三月二十日升

郢州富水京山縣元和六年九月升

隴右道

新升都督府 沙州永泰二年五月升

新升中州 威州大中三年七月收復安樂州改為威州

淮南道

新升緊州 壽州會昌四年五月升

新升上州 滁州和州舒州濠州蘄州並元和六年九月升

光州大中四年六月升

新升中州
新升望縣

申州元和十四年四月升

揚州江都縣開元四年二月二十六日升

海陵天長縣會昌四年十一月升

新

揚子縣大曆八年五月升

新升緊縣

揚州六合縣會昌四年十二月升

楚州盱眙縣廬州合肥廬江慎縣壽州安豐盛

唐霍丘等縣舒州桐城縣濠州定遠鍾離縣滁

州全椒縣已上並會昌四年十二月升

新升上縣

楚州山陽盱眙縣正元四年十二月廿八日升

鹽城縣元和六年九月升

壽州霍丘蘄州蘄縣水舒州太湖宿松縣同上

年月日升

江南道

新升都督府

辰州大曆五年十一月升為中都督

新升雄州

蘇州大曆十三年二月十一日升

新升望州

潤州宣州越州常州並會昌五年四月升

新升緊州

鄂州會昌四年五月升

新升上州

虔州袁州撫州歙州並元和六年九月升

池州會昌四年五月升 信州同上年月升

新升中州

岳州大曆五年六月升

新升望縣

潤州曲阿寧江等縣開元四年二月二十六日升

丹徒縣大曆十二年二月二十六日升

句容縣會昌四年十一月升

常州晉陵縣開元四年二月二十六日升

武進無錫縣大曆十二年二月二日升

江陰縣會昌四年十一月升

蘇州吳縣開元四年二月二十六日升

長洲縣大曆十二年二月二十六日升

嘉陵縣大曆六年二月升

崑山縣會昌四年十一月升

宣州宣城縣天寶十載二月二十五日升

南陵縣大曆五年三月升

杭州餘杭縣開元四年二月二十六日升

錢塘縣會昌四年十一月升

越州會稽縣開元四年二月二十六日升

諸暨剡縣並大曆十二年二月九日升

婺州金華縣開元四年二月二十六日升

東陽永康縣大曆十二年正月 日升

湖州烏程縣大曆十二年二月二十一日升

長城縣會稽昌四年十一月升

衢州信安縣大曆十二年正月九日升

台州臨海縣會昌四年十一月升

鄂州江夏縣正元十一年九月升

洪州高安縣會昌四年十一月升

潭州長沙縣同上年月日升

越州蕭山縣大曆十二年正月升

湖州安吉縣會昌四年十二月升

信州上饒縣 杭州鹽官縣並同上年月升

新升緊縣

新升上縣

衢州龍丘縣大曆十二年正月十九日升

婺州蘭溪縣同上年月升

海鹽縣會昌四年十二月升

宣州南陵溧陽當塗縣天寶十載二月二十五日升

寧國縣會昌四年十二月升

歙州歙縣池州秋浦縣俱同上年月日升

鄂州武昌永興等縣正元二年九月升

洪州建昌縣大曆十二年十二月二十四日升

潭州長沙縣湘鄉湘潭衡陽縣等大曆四年二月二十四日升

吉州廬陵縣會昌四年十二月升

鄂州唐平蒲圻等縣並元和六年九月升

岳州巴陵縣同上年月日升

華容縣大曆六年五月升

澧州石門縣元和六年九月升

潭州益陽縣正元十二年二月升

衡州衡山耒縣陽大曆四年二月二十四日升

洪州武寧新吳縣元和六年九月升

辰州沅陵叙浦大鄉等縣大曆五年十一月升

江州彭澤縣元和六年九月升

柳州平陽縣虔州信豐南康縣

袁州平萍鄉縣杭州新城縣

撫州南豐縣已上俱同上年月日升

陵州分水縣大曆六年六月升

歙州婺縣黟縣並元和六年九月升
洪州分寧縣元正十五年二月分寧武為寧縣

劍南道

新升都督府 遂州大曆二年二月升為中都督

昌州大曆十三年六月升

新升緊州 梓州會昌四年五月升

新升望縣 益州成都蜀縣郫縣新繁等縣並開元四年二

月二十六日升

蜀州晉原青城縣同上年月日升

唐興新津縣正元十年十一月升

彭州九隴道江縣開元四年二月二十四日升

唐昌縣正元十年十二月升

漢州雒縣開元四年二月二十六日升

行邠縣正元二年十二月升

新升緊縣 彭州濠陽縣漢州德陽綿竹縣眉州通義彭山

縣嘉州龍遊縣邛州臨邛縣已上並正元五年

十二月升

新升上縣 嘉州夾江峨嵋縣邛州依政縣陵州籍縣並正

元十年十二月升

閬州南部奉國縣永泰元年十月升

綿州羅江縣元和六年九月升

嶺南道

新升都督府 峯州驩州並正元七年四月二十日升

新升上州 建州泉州元和六年五月升

新升望縣

福州閩縣正元元年四月升

廣州南海縣

會昌四年十月升

新升緊縣

泉州彭山縣正元七年 月 日升

黔州彭山縣正元七年四月二十三日升

容州普寧縣同上年月日升

福州福唐長樂縣連山候官縣正元二年四月

泉州晉江莆田縣建州建陽縣並元和六年六

月升

巫州龍標縣大曆六年五月升

新升中縣

容州北流縣正元七年四月升

梧州蒼梧縣大曆九年七月升

州縣改置上

關內道

京兆府武德已來稱京城開元元年十二月三日稱西京至德

二年十二月十五日改為中京上元二年九月二十一日傳中

京之號元年建卯月一日改為上都

天授二年七月二十八日勅雍州依舊以萬年長安乾封明堂

咸陽鄠縣藍田等七縣隸焉又為武功為稷州割奉天始平盩

屋好時等五縣隸焉以雲陽為昇州割三元涇陽醴泉等四縣

隸焉以零口置鴻州以慶山渭南兩縣十二鄉於郭下置鴻門

縣割慶山高陵櫟陽渭南等五縣隸焉以永安置宜州割同官

富平美原等四縣隸焉令地官員外郎周允元充樹置使至久

視元年八月二十四日廢鴻昇二州至大足元年四月四日廢

宜稷二州並隸雍州

長安縣德宗元年十一月二十二日新置乾封縣以王德真為
縣令分理京城內至長安二年六月二日廢
萬年縣武德元年九月改大興為萬年縣天寶七年八月十四
日改為咸寧縣至德三年二月五日復為萬年縣初德宗元年
新置明堂縣以鄧鄆為縣令長安二年六月二日廢
昭應縣垂拱二年二月二日新豐縣東南三十里有慶山踴出
二十八日改新豐為慶山縣荊州入俞文俊上疏曰臣聞天氣
不和而寒暑併人氣不和而疵贅生地氣不和而蝗阜出今陛
下以女處陽位反易剝柔故地氣陽塞而山變為災陛下為之
慶山臣以為非慶也臣愚以為宜厲自脩德以答天譴不然禍
災至矣疏奏則天怒流文俊於嶺南神龍元年二月四日復為
新豐縣天寶三載十二月五日折新豐縣於會昌山令置會昌

縣四載十月二十八日以會昌為赤縣以薛融為縣令七載十
二月一日改會昌為昭應縣仍廢新豐隸入昭應以薛伯連為
縣令

奉先縣開元四年十月二十八日改桐州蒲城縣為奉先縣以
奉喬陵隸京兆府元和十五年四月以美原縣龍原鄉櫟陽縣
萬年鄉奉先以奉景陵長慶四年五月以富平縣豐水鄉華州
下封縣翟公鄉同州澄城縣撫道鄉白水縣會賓鄉並隸奉先
縣以奉先陵天祐四年閏十二月二十七日却割隸同州
富平縣元和元年六月以先天奉縣神泉鄉櫟陽縣大澤鄉美
原縣義林鄉族義鄉並隸富平縣以奉豐陵三原縣會昌元年七
月京兆府奉德三原縣申當縣仁化鄉開成五年六月勅割送
富平縣充奉章陵訖准承前流例合於陵近縣界接近割還當

縣以奉莊陵今請割高陵縣青平鄉從之
奉天縣文明元年八月十五日以乾陵置奉天縣隸京兆府
盤屋縣天寶元年八月二十四日改為宜壽縣至德二年二月
十五日改為盤屋縣 美原縣隋置丘門縣正觀七年廢咸
亨元年十二月二十一日於故立門地置美原縣割隸京兆府
櫟陽縣天祐四年十月割隸華州同官縣正觀十七年六月十
七日廢置宜州來屬 興平縣景雲四年二月一日改始平縣
為金城縣至德五年十月改為興平縣 雲陽縣武德五年
分雲陽縣為石門仍置泉州移雲陽於縣南十五里水衡城正
觀元年廢泉州改石門縣為雲陽八年併池陽入雲陽縣屬雍
州天授中置鼎州後廢 華元縣正觀十七年六月十七日
廢宜州來屬垂拱二年九月二十日改為永安縣神龍元年二

月四日復為華元縣 好時縣武德二年二月五日置於隋
莊陵武正觀二十一年七月十四日勅岐陽既非要路好時又
近醴泉二縣並廢依舊置正觀上宜縣其年十一月三日改上宜縣
為好時縣 鳳陽府天興縣至德元年七月二十七日分雍
縣置 雍縣至德二年八月二十一日改為鳳翔縣寶應元
年十二月廢併入天興縣 扶風縣武德元年分岐山縣於
園川城置四年隸入稷州正觀元年廢稷州來屬八年六月改
為扶風縣也 岐陽縣正觀七年割扶風岐山并京兆上宜
縣置焉二十一年廢永徽五年十二月又置元和三年三月併
入岐山扶風縣 陽倉縣至德二年八月二十一日改為寶
雞縣 鷄縣正觀七年廢天授二年七月二十八日割岐陽縣置
普潤縣正觀十一年正月隸隴右經略使 行原縣元和三

年十二月臨涇縣改為行原遂命鎮將赤泚為刺史始泚為刺
史嘗以臨涇地宜蕃息蕃戎每月寇屯臨涇為休養便地嘗白
其帥願以城控之前帥不從其後段祐為節度使泚復白祐祐
多其策乃表請城同州河西縣武德七年分韓城郃陽置
屬韓州州廢來屬乾元三年三月二十三日改為夏陽縣
韓城縣天祐五年十二月改為韓原縣華州下邽縣垂拱元
年十二月二十四日割同州下邽縣隸太州潼津縣聖曆二
年三月二十日割號州潼津縣隸入太州神龍三年四月十六
日廢仙掌縣
邠州開元十三年二月二十二日改幽字為邠永壽縣神
龍元年三月二十五日割屬雍州唐隆元年七月八日又屬幽
州三水縣元和十五年正月移縣於隴堡下旧城先是大曆中

吐蕃嘗焚其縣故移之堡上人不便之及是從節度使郭釗奏

也防州武德七年七月於鄜州南故馬坊置防州

宜君縣正觀十七年六月十七日廢宜州來屬尋廢二十年閏

三月十四日又置永徽二年十二月十四日又省龍朔三年八

月二十五日又置昇平縣天寶二年十二月一日分宜君

縣置鄜州直羅縣武德二年分三川落交縣置

涇州開元八年四月十七日割寧州豐義縣隸焉鶉觚天

寶元年八月二十四日改為靈臺縣臨涇縣正元十一年

正月節度使劉昌奏請於臨涇縣界堡定城置陰盤縣勅

改潘原正元十一年以彭信堡置寧州豐義縣武德四年分彭

原縣置勝州河濱縣正觀二年置連谷縣正觀八年置

豐州正觀二年十二月二十三日分靈州置九原縣永徽

四年置 永豐縣永徽元年正月置 豐安縣麟德元年置
延州開元二年升為都督府 延水縣隋鎮武德縣初為利州
縣名安人正觀二年州廢安人屬比基州八年割屬延州二十
三年五月改為延水縣 延州縣正觀五年置比基州至八
年廢 罷交縣 天宝元年八月二十四日改為延昌縣
金城縣本因城縣武德二年改為金城縣 天宝元年八月二十
四日改為敷政縣 綏州上縣 天宝元年八月二十四日改
為龍泉縣 夏州朔方縣本隋嚴錄縣正觀三年改為朔方
縣 寧朔縣武德六年置南夏州正觀二年廢
鹽州五原縣 正觀八年與同州置 白池縣景龍三年置
伏陸縣 天宝元年八月二十日改為茸泉縣 慶州懷安縣
開元十一年十月八日置 方渠縣神龍三年三月二十五

日分烏嶺縣置 結交縣 天宝元年八月二十四日改合水
縣 白馬縣同上 勒改為延慶縣
麟州開元十二年閏十二月二十九日置十四年十月九日廢
乾元元年五月一日於新秦縣置鐵麟縣開元十三年六月十
三日置 隴州定縣元和三年隸寧州
宥州延恩縣元和九年二月勅 天宝末年宥州寄理於經畧軍
寶應已後因循遂廢由是昆夷屢擾党項靡依蕃部之人撫懷
莫及朕方弘遠略思復旧規宜於經畧軍置宥州仍為上州
於鄆下置延恩縣為上縣仍屬夏州元和十五年九月夏州節
度使 太請置宥州於長澤
原州蕭關縣神龍三年三月廢地接縣置
威州大中三年七月灵武節度使朱叔明奏收復安樂州其州

即故靈州鳴沙縣其年八月遂改為威州

河南道

河南府河南縣垂拱二年改為合宮縣以薛克_御為縣令神龍元年正月却為河南縣二年十一月五日又改為合宮縣以蘇頌為縣令石補闕權若訥上疏曰臣聞詩人闡教深懷周極之恩孔氏立言或崇無改之道今陛下置聖善報恩之閣義貫於終天存合宮永昌之號敬深於如在伏見天地日月君臣等字皆先朝創制已久施行陛下纂承丕緒嗣守洪業母子相傳國家如舊此並則天能事生人積習何所要切登時除之無益於淳化存之有光於孝理又神龍元年三月三日制書一事已上並依正觀故事者但則天遺訓誠曰母儀太宗舊章事祿祖德昔永徽之始不聞依武德舊章今陛下膺期乃遵正規故事如

其遠依正觀實恐未益先朝以臣愚識請更詳審唐隆元年七

月八日復改為河南縣

洛陽縣垂拱四年七月一日折置

永昌縣長安二年六月二日廢神龍二年十一月二日改洛陽

為昌縣以王後為縣令唐隆元年七月八日又改為洛陽縣

來庭縣天授三年三月九日置以陸室績為縣令長安二年六

月二日廢

緱氏縣隋置正觀十六年省元年二七月九日

又置以管孝敬陵 嵩陽縣隋置正觀十七年省永淳元年七

月八日復置文明元年四月十三日廢光宅元年二月四日又

置登封元年臘月十九日改為登封縣神龍元年二月五日改

嵩陽縣二年十一月五日又改為登封縣

新安縣義寧二年置新安郡領新安一縣武德元年改為穀州

領新安浞池東垣三縣四年省東垣入新安正觀元年徙穀州

於澠池至顯慶二年十二月九日廢穀州以福昌新安澠池永
寧四縣并懷州河陽溫縣王屋鄭州沁水並隸洛州
告成縣武德四年王世充降陽城縣令王雄以縣歸順乃置嵩
州領陽城嵩陽陽翟康城四縣以雄為刺史正觀三年省嵩州
以陽城屬洛州登封元年臘月九日改為告成縣神龍元年二
月五日改為陽縣二年十一月五日又改為告成縣天祐二年
十二月改為陽邑 興太縣長安四年五月二日九日以興
太宮城置為神龍元年二月四日廢
河陰縣開元二十二年四月侍中裴耀卿奏沁水滎澤武陟三
縣於河口輸場置為隸河南會昌三年九月勅宜隸孟州仍改
為望縣 穎陽縣正觀七年廢咸亨四年閏五月一
日分河南洛陽伊闕嵩陽等縣置武臨縣開元十五年九月二

日改為隸陽縣 武泰縣天授二年七月二十八日分

滎陽置為隸洛陽尋廢後又改滎陽縣為武泰縣神龍元年二
月四日改為滎州屬鄭州 伊陽縣先天元年十二月二

十三日洛州長史李傑奉割陸渾置陽翟縣武德四年隸嵩州

正觀二年省州縣改隸許州龍朔二年十二月十六日割隸洛

州 福昌縣義寧元年置宜陽郡領宜澠池永寧三縣武德元

年改熊州故宜陽縣為福昌取隋福昌宮為名領福昌壽安永

寧三縣正觀元年省熊州以福昌隸國州 顯慶二年十二月十

六日廢州以縣屬洛州 永寧縣義寧二年正觀元年置

屬宜陽郡武德元年屬熊州領永寧一縣八年省州却屬熊州

正觀元年改為穀州 長水縣武德元年屬魏州正觀八年改

屬穀州廢來屬 濟源縣武德二年三月王世充將丁伯

德以縣歸順遂置西濟州領源澳陽燕川呂原四縣以伯德為
刺史四年省縣隸懷州顯慶二年十二月十三日屬溫縣令周
仲隱以縣歸乃於縣置平州以仲隱為刺史溫縣為李城縣其
年八月省州縣復名溫屬孟州王屋縣武德元年改為邵郡
州正觀元年省州縣屬懷州顯慶二年十二月十三日改隸洛
州光化三年八月割隸河陽河陽縣武德二年置名大基屬
懷州四年割屬孟州八年省咸亨五年八月河南洛陽新安王
屋濟源河陽六縣置大基縣屬洛陽先天元年以國諱改為河
陽縣會昌三年九月中書門下奏曰臣聞艱難已後割屬河陽
三城使令河南河管五縣中租賦色役盡屬河陽使歸一統便
為定制既是雄鎮足壯三城臣等商量其河陽縣望改為孟州
仍為望州河汜水溫縣河清濟源等五縣改為望州其縣令已

下望且令守本官至吏部注官日替詔從之 汜水縣武德四
年置屬鄭州正觀七年州移理官城縣垂拱四年七月一日改
為廣武縣 神龍元年復為汜水縣 密縣武德三年置密縣
四年廢縣屬鄭州 龍朔二年十二月二十日自鄭州割隸

河清鞏縣光宅三年八月割隸河陽映州隋廢武德元年復
置廣德二年二月升為大都督府以皇甫溫為長史 硤石
縣隋廢武德元年置 芮城縣武德二年置芮州正觀元年廢
縣來屬 安邑縣正觀十七年六月十七日廢虞州及桐鄉縣
以安邑屬蒲州至德二年八月二十三日為虞邑縣乾元三年
正月二十一日割隸陝州復為安邑縣 夏縣乾元三年正月
二十一日自絳州來屬 桃林縣天寶元年二月二十一日改
灵宝縣河北縣天寶元年二月二十一日改為平陸縣先是陝

郡太守李濟物䟽鑿三門得古鐸甚大其上有平陸二字後因改為平陸 鄭州武德三年改為管州正觀元年復為鄭州 圃田縣武德元年改為中牟縣正觀元年屬汴州龍朔二年十二月十六日來屬 豫州寶應元年十二月改為蔡州 新息縣武德四年置息州正觀元年廢 吳房縣正觀元年置八年廢汝南縣正元七年正月二十三日於郭下置元和十三年正月汝南縣宜却停省 西平縣正觀元年廢天授二年十一月一日又置 遂平縣元和十二年四月吳房縣改為遂平縣仍移於文城柵南新城內置便為上縣權為隸唐州襄城縣天佑三年十二月改為苞字縣 汝州武德初從隋舊制為伊州正觀十年以西城置伊州遂改為汝州光化三年八月割却隸洛京 梁縣隋為承林縣正觀

元年改為梁縣魯山縣王世充置魯州武德四年正月二日廢入伊州其年復置魯州正觀元年三月又廢入伊州 龍興縣證聖元年四月一日置武興縣神龍元年十月十九日改為龍興縣 襄城縣天寶七年正月二十四日自許州來屬 臨汝縣先天元年十二月二十三日置 亳州武德四年改為譙州正觀元年改為亳州 臨渙縣正觀十七年六月十七日廢譙州來屬大和九年五月亳州臨渙縣宜割屬宿州永城縣正觀十七年六月十七日廢譙州來屬 陽谷縣麟德二年二月二十八日改為賁源縣 鄆縣開元二十六年三月二十四日移於汴州南垣縣驛置 山柰縣正觀十七年六月十七日廢譙州來屬天寶元年八月二十四日改為蒙城縣 曹州武城縣正觀十七年六月十七日廢載州來屬 離狐縣

天寶元年八月二十四日改為南華縣
仙州武德二年置萊州五年廢正觀八年置魯州九年廢開元
四年折許唐二州復置仙州至十一年十二月勅以仙州頻
喪長吏欲廢之令公卿議其可否中書侍郎崔沔議曰仙州四
面去餘州界雖近若據州而言則玄遠土地饒沃戶口稀踈逃
亡所歸頗成泉藪舊多劫盜兼有宿寇所以往年患之置州鎮
壓今興役幾年主司粗定累年成規一朝廢省前功尽弃後弊
方深今廢州則生患置州則稱煩所以武德已來迭為廢置足
明利害不專一途至於田疇勞損即與許蔡何殊寧為位卑獨
當廢省若以州管新戶驛長唯得唐許州路僻戶多均出傍州
非無成例州以鎮俗官以利人所在皆然豈憚其廢然自創置
未盈十年州將員寮屢卒于位天道性命聖人罕言而共理分憂

朝寄尤切視死亡而不恤何以得其歡心計不自安政必苟且
下承斯弊為傷必多而通之則可永久州東新置舞陽縣則漢
樊噲之舊國噲豐沛故人又高祖之姪惟勳惟舊且親且賢亦
既受封亦稱吉土保全良吏庶在茲邦又南接白羊川口村聚
幽僻妖訛宿宵此為根柢自置縣未十減七八今若移州鎮之
亦可杜絕其仙州望且未廢至今年十月移向舞陽置仍為樊
州刺史司馬銓頗聞守法公勤望稍加慰勞使其說以成務庶
其益於公家至二十六年十月三日廢大曆三年三月二十八
日復置仍置仙鳧縣五年二月初六日又廢仙鳧縣亦停
登州隋為牟州武德二年改為登州正觀元年廢天授二年閏
五月二十一日又置黃縣神龍元年四月改為蓬萊縣
牟平縣武德元年置正觀元年廢麟德二年又置

穎州武德四年置信州六年改為穎州長慶二年八月穎州宜
移穎鄭州一沈丘縣神龍年置淮川縣武德八年改為下蔡
縣齊州元和十五年正月二十三日平盧州軍奏當管
五州共二十九縣內四縣緣戶口凋耗計其本縣稅錢自供官
吏不足今請權宜併省各具如後齊州都九縣內三縣請併省
豐齊縣與本州長清縣相近今請廢豐齊縣併入長清縣全節
縣與歷城縣相近請廢全節縣併入歷城縣亭山縣與章丘相
近今請廢亭山併入章丘豐齊等四縣權停廢待已後戶口滋
繁物力殷贍即請仍舊從之 行齊州元和十三年冬十月齊
州刺史高士榮奏蒙恩受任其州猶在賊中須置行州及倚郭曆
城縣行印從之 平陵縣正觀十七年四月改為全節縣祝阿
縣天寶元年八月二十四日改為禹城縣山莊縣武德元年置

天寶元年七月二十四日改為豐齊縣 章丘縣武德二年
置正觀元年廢 歸化縣大和四年十二月本州奏廢縣八邑泗
州開元二十五年九月十日移就臨淮縣 臨淮縣長安二年
二月分徐城縣置 下邳縣武德年置邳州正觀元年州廢
來屬 虹縣本名夏丘屬仁州武德六年改名虹縣正觀八年
州廢來屬兗州 金鄉縣正觀十七年六月十七日廢戴州來
屬元和十四年正月以兗州金鄉縣權隸屬徐州
宿豫縣寶應元年六月十一日改為宿遷縣 博城縣神龍二
年十一月五日改為乾封縣 方興縣寶應元年六月十一日
改為魚縣 萊蕪縣正觀元年廢入博城縣長安四年正月
十日又置正元四年十一月二十三日割屬兗州元和十四年
六月充海節度使曹華奏兗州萊蕪縣在當道边界去縣山路

三百餘里人戶絕少年稅絹一千官吏名數亦與大縣不殊竊
以此縣最小虛置無取請准淄沓等州章丘臨濟縣例特從併
省案圖經萊蕪正觀三年廢入博城縣即今當州乾封縣是也
相去接近伏請依前併入乾封縣從之大和元年十月兗州奏
復置縣從之 平陸縣天寶元年八月二十四日改為中都
縣正元四年十一月二十四日割鄆縣 魚臺縣元和四年八
月淄川清節度使李師道請充移州魚臺縣置於黃臺市從之
十四年正月權隸徐州 密州莒縣正觀八年廢莒州來屬
安丘縣正元二年九月改為輔唐縣淄州武德二年置
沂州水縣武德二年置莒州正觀二年廢 承縣武德四年於
檀丘置鄆縣正觀二年廢之 新泰縣武德二年屬莒州正
觀八年來屬濟天寶十三年六月一日廢所領五縣並隸鄆州

陳州南頓縣武德二年省入項城縣證聖元年改為光武縣景
龍元年復為頓丘縣 項城縣隋置洧州正觀元年州廢來
屬 西華縣武德八年改為基城縣正觀元年又置名武成神
龍元年二月四日改基城縣景龍元年又改為西華

汴州開封縣武德四年自鄭州來屬正觀元年廢元和元年五
月十五日分浚儀縣又置 尉氏縣武德四年置 洧州正觀
元年州廢 雍丘縣武德四年置杞州正觀元年州廢
唐州方城縣武德初置 北禮州正觀元年改為魯州九年廢
鄆州鄆城縣舊是鄆下縣正觀八年州移於須昌縣天祐二年
十二月改為萬安縣 鉅野縣正觀十七年六月十七日廢戴
州來屬 宿城縣景雲三年十二月十八日置正元四年七
月改為東平縣移鄆就下仍是望太和四年五月改為天平縣

六年七月併入須昌縣
平陰縣大和六年七月併入阿盧
縣開成二年鄆州節度使王源中奏當道先廢天平平陽兩縣
並在東境東西一百一十三里南北一百八十里無縣邑以理
居人無制賊盜請復置平陰縣蕪下吏部注縣令主簿各一人
詔從之
青州壽光縣武德二年改為乘州至八年廢
徐州沛縣武德五年置符離縣武德四年置
戰縣正觀十七年六月十七日廢譙州來屬
濮州武德四年置
宋州祐城縣正觀七年廢永淳元年十月二十四日又置
穀熟縣正觀七年置南穀州四年廢
單父楚丘縣正觀七年
六月十七日廢戴州來屬
碭山縣光化三年正月建為輝州

移理所單父縣

考城縣元和十四年正月權隸宋州

許州節城縣元和十二年二月淮西賊中百姓窮困相率歸順

其數甚多宜於許汝營側近置行郟城縣委韓弘許議揀擇穩

便處置其年十一月以郟城縣傲州上蔡西平遂平三縣隸焉

是年拾二月澶州宜屬許州長慶元年廢澶州復為郟城縣依

前隸屬許州其先割屬澶州上蔡西平遂平等三縣依隸屬蔡

州舞陽縣開元四年置元和十三年正月陳許觀察使李

光顏奏許州舞陽縣為逆賊吳元濟所毀令請移縣權請置於

吳城鎮從之

濠州元和三年六月改濠州字為濠失印故也

宿州元和四年正月以徐州符離蘄泗州虹三縣置遂為上州

理符離仍隸徐濠泗等州觀察使長慶元年三月徐州觀察使
崔群奏頃以蔡孽未平遂割前件三縣及徐州將士一千四百
人權置

宿州既其奔軼李閔備禦非務使人今寰宇無虞封圻罷警權
創支群理合併除其宿州伏請却廢三縣各還本州至太和七
年二月勅宜准元和四年正月割徐州符離蘄泗州虹縣依前
置

宿州隸屬徐泗濠等州觀察使其州於埇橋置六品已下官便
委吏部注擬

河東道

太原府文水縣天授元年十月十四日改為武興縣品秩同赤
縣以史蕪恕為縣令神龍元年二月十五日復舊 石艾縣天

寶元年八月二十四日改為廣陽縣 孟武縣陽德三年置授

州正規八年省州來屬

陽曲縣武德三年改為邠陽七年又改為陽曲縣

太谷縣武德四年置太州六年又省之

河中府元和三年三月改蒲州為河中府兩縣為赤縣餘為畿

縣官吏所置並准京兆府河南府河西縣乾元三年三月二十

日割 州朝邑河西縣置焉仍改同州河西縣為夏陽縣

桑泉縣天寶十二年十二月一日勅改桑泉縣為臨晉縣

汾陰縣開元十一年二月十六日改為寶鼎縣

潞州開元十七年七月二十五日置大都督府 襄垣陟縣銅

鞮正規十七年六月十七日廢韓州來屬

潞城縣天佑二年十一月改為潞子縣

黎城縣同上年月改為黎亭縣
虢州弘農縣顯慶二年改為垣縣開元十六年二月二十八日
復州弘農縣湖城縣武德二年置乾元三年二月一日改為
太平縣大曆四年七月四日却為湖城縣閩鄉縣正觀元年
移昇州於屯縣八年州移來屬絳州翼城縣義寧縣元年改
為澮州武德六年廢州來屬天佑二年十二月改為澮州縣
萬全縣武德三年置屬太州正觀十七年六月十七日州廢來
屬垣縣正元三年七月以絳州垣縣隸陝州元和三年二月
復隸絳州夏縣正觀十七年六月太州廢來屬乾元二年正月
二十一日割屬陝州龍門縣武德元年置太州正觀十七年
州廢來屬汾州武德元年改為浩州三年改為汾州
介休縣武德元年置介州正觀元年却廢河西縣

西河縣晉州大和元年十一月二十四日勅晉州宜割隸河

察使收管

汾西縣正觀十七年六月十七日廢呂州與霍邑趙城來屬

神山縣武德二年九月置浮山三年九月十九日以告善行於

羊角老君改焉

澤州會昌四年九月中書門下奏河陽近雖置制土寺宇猶編

澤州全有太行之險為實固東洛之藩垣將務遠圖所宜從便

望割屬河陽晉城縣武德三年置建州并置晉城縣六年州廢

來屬天祐二年十一月改為高都縣

漢澤縣天寶元年八月二十四日改為陽城縣

武鄉縣武德初置韓州正觀元年廢之壺關縣武德四年置

隰州大寧縣武德二年置中州正觀元年州廢來屬

蒲城縣武德二年置正觀元年廢
慈州武德元年為汾州正觀八年改為慈州大和元年十一月二十日勅慈州宜割隸屬河中府觀察使收管

文城縣天祐二年十二月改為屈邑縣

代州唐林縣證聖元年於忻代二州界乃置
朔州安邊縣開元十二年七月置在橫野軍
石州林泉縣本名太和縣武德二年置比和州正觀二年廢改為臨全縣是也

嵐州宜芳縣隋嵐城縣武德四年改焉

合和縣隋臨泉縣武德七年改臨津縣正觀元年改焉
嵐谷縣長安三年置景雲二年廢開元十二年又復置之

儀州本遼州隋末廢武德三年又置遼州正觀八年改為箕州

先天元年十二月二十三日又改為儀州

唐會要卷第七十

唐會要卷第七十一

州縣改置下

十二衛

東宮諸衛

州縣改置下

河北道

幽州開元十三年正月初一日改為大都督府
無終縣通天元年移就玉田驛因改為玉田縣
漁陽縣武德元年置玄州正觀元年廢來屬
良鄉縣聖曆元年閏臘月二十九日改為固節縣神龍元年二月復為良鄉縣
雍奴縣天寶元年八月二

十四日改為武清縣也。三河縣武德初改為潞縣開元四年三月改為三河縣。會昌縣如意元年置武宗縣景雲三年改為會昌縣。

瀛州高陽武德四年置滿州正觀元年州廢來屬。博野縣武德二年置蠡州正觀元年廢來屬。

莫州景雲三年六月十四日分瀛州置。州開元十三年十二月初二日始單用莫字。唐興縣如意元年置武昌縣神龍元年二月四日改唐興縣。

長豐縣開元十年置。鄭州開元十一年閏六月一日割漁陽玉田三門置。

媯州武德三年置北燕州正觀三年改媯州長安三年移就清夷軍涿州新城縣大和六年十一月置古督亢之地。

恒州興元六年六月一日升為大都府元和十五年二月改恒州為鎮州恒陽縣為曲陽縣恒岳為鎮岳避穆宗諱也。

涇縣正觀十七年六月十七日廢并州具鹿泉房山屬此。竹唐縣長壽二年改為章武縣神龍元年二月四日改為行堂縣。

豪城縣天祐二年九月改為豪平縣。信都縣同上年月改為堯都縣。欒城縣同上年月改欒氏縣。阜城縣同上年月

日改鄆阜縣。臨城縣同上年月改為妨子縣。冀州龍朔二年十二月十六日改為魏州咸亨三年九月二十五日復為冀

州。廩陶縣天寶元年八月二十四日改為寧晉縣。房子縣同

上年月改臨城縣。大陸縣武德四年改為象城縣。深州正觀十七年六月十七日廢先天元年四月十日又復置

涿州大曆三年八月割恒州行唐縣置以恒州。天壽定州恒陽

二縣屬焉尋廢博州青平縣武德四年置博平縣正觀十
七年廢入聊城天授三年更置天祐三年四月割隸鄆州聊
城武陽武水高唐縣天祐三年四月並割鄆州昭義縣開成
四年八月移於固鎮驛具州宗城縣武德四年廢宗州來屬
宗州置在經城縣天祐三年八月割隸魏州歛縣天寶元年
八月二十四日改為夏津縣永濟縣大曆七年正月以張店
為縣天祐三年八月割隸魏州也
易州五迴縣開元二十三年三月十六日置道縣天寶元年
八月二十四日改為容城縣永樂縣同年月改為蒲城縣
滄州胡蘇縣天寶元年八月二十四日改為臨津縣清池縣大
和五月十月本道奏移於南羅縣內南皮縣武德元年景州
正觀十七年廢景州來屬

魏州龍朔二年十二月二十六日改為異州仍置大都督府咸
亨三年九月二十五日仍舊元城縣正觀十二年六月十七日
廢證聖二年三月二十一日又置開元十三年十二月二日移
於鄆下也昌樂縣武德五年八月置

朝城縣正觀十七年廢永昌縣元年又置改名聖武開元七年
又改為朝城縣華縣正觀元年廢華州來屬頓丘縣正觀
元年廢澶州來屬大曆七年又置澶州澶州七年大曆正月
析魏州頓丘縣之現城店置現城縣清豐店置清豐縣并割魏
州臨黃縣並隸相州湯陰縣武德四年置林慮縣武德元年
置五年廢正觀十七年六月又置臨河內黃洹水縣並天祐三
年八月割隸鄆州棣州武德四年七月十六日置正觀六年十二月九日廢十七

年六月十七日復置陽信縣會昌元年十一月淄青觀察使
常平奏棣州申請移陽信縣并鎮於縣南一十里八角寺南二
里置城從之
邢州相仁縣天寶元年八月十四日改為堯山縣青山縣開
成四年八月廢洛州曲周縣武德四年析洛州置清漳洛
縣會昌元年三月併省分入肥鄉平思州等三縣平衛州黎陽
縣正觀十七年六月十七日廢黎州來屬同日廢清淇縣至
長安三年十二月二十三日於淇門置門縣
景州長慶二年正月勅滄州弓高縣宜依舊為景州仍隸滄州
觀察使至大和四年十二月滄州觀察使殷有奏廢為景平縣
乃從之

德州歸化縣開元十三年橫海軍節度使鄭權奏當道管德州

安德縣渡黃河南與齊州臨邑縣鄰接有灌家口草市一所頃者
成德軍於市北十里築城名福城割管內安德平原平昌三縣
五都置都知官勾當臣今請於此置前件城緣隔黃河與齊州
臨邑縣對岸又居安德平原平昌三縣界疆境濶遠易動難安
伏請於此置縣為上縣請以歸仁為名從之

正元十七年廢觀州來屬安州安平縣正觀十七年六月十
七廢深州安屬北平縣改為狗中縣義豐縣改為立節縣
並神功元年十月改至神龍元年二月五日各復本名唐昌
縣至天寶元年八月二十四日改為陘邑縣母極通天縣元年
改為無極縣安喜望都二都二縣並武德四年置

山南道

荊州本大都督府上元元年九月改為江陵府荆門縣正元二

十一年六月置長元縣上元元年七月二十三日析枝江縣置
為赤縣二年六月十四日廢枝江縣隸入長寧縣大曆六年十
月七日廢為枝江襄州率道縣天寶七載三月二十七日改為
宜城縣臨沮縣武德三年置重州正觀元年廢州來屬開元
十年五月二十八日改為南漳縣樂鄉縣本都州正觀元年
州廢來屬鄧城縣正元二十一年五月以襄州為襄府改臨
漢縣於古城為鄧城縣隨州開元二十五年六月十五日以
客戶編成十二鄉置城縣屬焉房州武德元年改為仙州又
於竹山置房州正觀八年廢州入仙州後卻置正元元年五月
隸山南東道天祐元年九月以金州為昭戎軍管房州至三年
四月却隸山南道
金泉州石縣聖曆三年改為武安縣武龍元年改為泉石後廢

正元元年十二月刺史姜公輔請復置從之黃丘縣天寶二
年八月二十四日改為清陽縣大曆六年八月併入洵陽縣
洵陽縣武德元年置洵州七年州又廢來屬平利縣廢入西
城縣廢州本顯德正觀元年改唐州天祐三年四月刺史孫
審符奏移理所於泌陽縣焉平氏縣武德三年置荊州五年
州廢縣割入湖州正元元年廢州來屬湖陽縣武德三年置
湖州正觀元年又廢上馬縣武德元年置正觀元年廢開元
十二年七月十七日又置天寶元年八月二十四日又改為泌
陽縣
鄧州南陽縣聖曆元年五月一日改為武臺縣神龍元年復為
南陽縣向城縣武德三年隸州八年廢屬北澧縣正觀六
年州廢來屬聖曆元年五月一日改為武清縣神龍元年二月

初五日復為向城縣 新城縣 天寶元年八月二十四日復改
臨滄縣 菊潭縣 開元二十四年九月一日置 浙陽縣 通天
元年七月一日置 內鄉縣 隋浙江正觀八年州廢 來屬 鄧州
歸州 武德二年廢 歸鎮置縣

夔州 隋信州 武德二年二月改為夔州

均州 正觀八年浙江置 正元年五月以均州隸山南東道 觀察
使 天祐二年九月以金州為昭戎軍 割隸焉 至三年四月又却
割屬山南東道 豐利縣 武德元年廢 上津郡 正觀八年州廢
來屬

商州 上津縣 武德元年置 上州 八年又州廢 為上津縣 來屬

安業縣 通天元年置

渝州 萬壽縣 武德三年置 萬春縣 五年又改為萬壽縣

南平縣 正觀四年置 八年置 州 十二年州廢 來屬

集州 通平縣 武德二年移 靜州 於此 正觀十年六月七日州廢
來屬

郢縣 正觀元年廢 十七年又置 富水縣 武德四年置 涪州 正
觀十七年州廢 來屬

壁州 武德二年置 諾水縣 隸巴州 八年改置 壁州 太平縣 開

元二十三年六月三日置 天寶元年八月二十四日改為 巴東
縣

渠州 始安縣 准上天寶元年改為 渠江縣

忠州 武德元年改為 臨州 正觀八年改為 忠州 清水縣 武德

二年置 天寶元年八月二十四日改為 桂溪縣

洋州 貞符縣 開元十八年八月二十五日置 華陽縣 天寶八載

閏六月四日改為員符縣仍隸京兆府十一載五月十日却隸陽州

萬州武德二年置浦州正觀八年改為萬州

涪州武德元年廢涪陵鎮置元州和三年七月復以涪州隸黔中道涪州案疆理以黔管接近頃年割附荊州至是復舊

賓化縣正觀十一年置 硤州宜都縣武德四年置江州正觀八年州廢來屬

利州義清縣天寶元年八月二十四日改胤山縣

蓬州固縣天寶元年八月二十四日改為良山縣 宕渠縣

元年八月以宕渠縣合入蓬山縣 合州巴水縣開元二十

三年月二十六日置

銅梁縣長安四年置 興州鳴水縣長慶元年八月廢

通州巴渠新寧等縣大和三年正月吳元府奏通州元管九縣寶曆二年停廢伏緣本府租稅最重開州獨稱殷羨諸割巴渠州見管三縣內攤配從之

吳元府吳元元年六月敕梁州改為興元府置官一切同京兆河南府也吳元府廢金牛縣為鄉三洋州廢洋源縣為鄉五閬州廢岐平縣為鄉四利廢景谷縣為鄉五通州廢三罔縣為鄉四又廢石鼓縣為鄉五巴州廢奇章縣為鄉四又廢盤道為鄉五蓬州廢郎池縣為鄉六又廢

良山縣為鄉六集州廢通平縣為鄉十壁州廢納縣為鄉六渠州廢大竹縣為鄉三又廢鄰水縣為鄉三鳳州廢黃花縣為鄉二開州廢萬歲縣為鄉六寶曆元年九月山南西道節度使裴度奏準今年二月勅廢金牛等十六縣為鄉令並隨便近割隸

屬諸縣訖

隴右道

涼州神烏縣證聖元年改為武威縣神龍元年二月後為神烏縣 番和縣天寶三載三月初六日改為天寶縣 嘉麟縣神龍三年三月二十五日置景龍三年廢先天二年復置

疊州武德二年置至今未改 芳州武德元年移於常樂城內正觀三年移於芳州神龍元年廢芳州為常芳縣隸疊州伊州納職縣開元十五年二月九日置

沙州武德五年改隋瓜為西沙正觀七年去西字為沙州天寶末陷西戎大中五年七月刺史張義潮遣兄義潭將室道圖經戶籍來獻奉州歸順至十一月除義潮檢校吏部尚書兼金吾大將軍充歸義節度河沙甘肅伊西等十一州管内觀察使仍

許於京中置邸舍鄯州鄯城縣儀鳳二年置

河南安鄉縣天寶元年八月二十日改為鳳林縣

廓州化崇縣先天元年改為廣威縣

蘭州金城縣天寶元年八月二十四日改為五泉縣

洮州開元二十七年四月十六日蘭州廢臨州為洮州

秦州舊陷吐蕃大中三年八月收復四年二月割鳳翔

武州大曆二年五月十一日置尋陷吐蕃至大中三年七月邠

州節度使張君請奏收復蕭關復置武州 清水縣大中三年

八月鳳翔節度使玘李收復乃隸武州

淮南道

揚州武德七年改為邳州九年改為揚州大都府 海陵縣武德三年置吳州七年州廢來屬先天二年三月復置 江陽縣

正觀十八年五月十八日分江都縣置六合縣武德七年置方州正觀元年州廢來屬揚子縣開耀元年正月十二日廢鎮來屬楚州武德初海州人滅君相據此號東楚州八年乃改為楚州

淮陽縣武德七年廢乾封三年又置 盱眙縣文明元年十月改為建中縣尋復本名焉

光州元和十三年五月割隸淮南殷城縣隋義州正觀元年廢來屬樂州縣天寶元年八月二十四日改為先居縣壽州霍丘縣武德四年廢鎮為霍州正觀元年州廢來屬神功元年九月二十日改武昌縣景雲元年七月二十日改霍丘縣 沔州建中元年四月折入黃州四年三月復置寶曆三年武昌節度使牛僧孺奏沔州號州隔江相去總余一理其州請併省其漢陽

儀州兩縣並割隸鄂州從之安州應城孝昌二縣元和三年五月併入雲夢縣後又置

吉陽縣同上年併入應山縣後又置 黃州麻城縣元和三年三月併入黃岡縣又置 申州大和十三年五月割隸鄂州後

却隸淮南道 滁州永陽景雲三年置和州含山縣武德八年廢長安四年又置為武壽縣龍神元年二月復為含山縣

舒州宿松縣武德四年置嚴州七年州廢來屬 廬州襄安縣武德二年改為稟縣 舒城縣開元二十三年十二月一日分合肥縣置 蘄州蘭溪縣武德四年置天寶元年八月二十四日改為蘄水縣 永寧縣天寶元年八月二十四日改為廣陰縣

江南道

潤州金壇縣垂拱四年七月十八日置 上元縣武德七年置

蔣州金陵縣八月又廢蔣州九年移於白下縣屬潤州正觀七年改為江寧縣至德二年正月十六日置江寧郡正元元年改為昇州寶應元年四月十五日州廢上元三年二月六日改為上元縣也 曲河縣武德二年六月置雲州五年四月改為簡州以崔順為刺史八年四月州廢屬潤州天寶元年八月二十四日改為丹陽縣常州武進縣武德四年置正觀元年廢垂拱二年三月三日又置 蘇州長洲縣通元元年七月四日分吳縣置 嘉興縣武德元年置正觀元年廢景雲二年又置先天二年又廢開元五年七月又置 華亭縣天寶十載置 海鹽縣正觀元年廢景雲二年置先天二年廢開元五年七月又置之 湖州開元七年置又及烏城縣 臨溪縣天授二年置武源縣景雲元年改臨溪縣天寶元年改為德清縣 安吉縣

武德七年廢麟德元年八月五日又置 杭州武德六年六月置 於潛縣武德六年六月置潛州至其年八月以來路不通州廢未屬 新城縣永淳元年五月二日分富陽縣置 臨安縣垂拱二年 紫縣聖曆元年正月三十日改為崇德縣神龍元年三月改為唐山縣大曆三年八月二十三日廢 宣州太平縣天寶十一載正月九日析涇縣置之 涇縣武德元年置南徐州其年改猷州八年州廢未屬 溧陽縣乾元元年六月十六日割屬昇州二年六月十三日割屬宣州其年十一月十六日又屬昇州上元元年七月十三日隸宣州十二月七日又屬昇州寶應元年四月十五日昇州廢屬烏 旌德縣寶應二年二月析太平縣置 寧國縣隋置武德六年廢天授三年置婺州烏傷武德七年改為義烏縣

武義縣天授二年置 東陽縣垂拱二年三月三日分義康縣置

蘭溪縣咸亨五年八月十五日割金華縣 永康縣武德八年置

衢州武德四年割婺州置八年廢垂拱二年三月十三日復置 須江縣武德四年八月 信安置八年廢永昌元年又置

玉山縣證聖二年置龍丘縣正觀八年置婺州垂拱二年廢

盈州縣如意元年分龍丘縣置元和七年正月廢入信安龍丘縣 常川縣咸亨五年置 台州山象縣神龍三年六月六日

置至德二年十二月九日割屬明州 始豐縣正觀八年置上

元二年二月六日改唐興縣

寧海縣永昌二年二月置 永寧縣正元二年四月一日析臨

安縣置天寶元年八月二十四日改為黃岩縣 明州開元二

十六年七月十三日析越州鄞縣置以秦昌縣為刺史仍置

奉化慈谿翁山等縣慈谿以房瑄為縣令以王叔通為縣令大

曆六年三月四日因袁晁賊廢長慶元年三月浙東觀察使

薛戎上言明州北臨鄞江邢庫隘今請移明州於鄞縣置其旧城

近南高處縣置縣從之 越州山陰縣武德元年置正觀元年

廢垂拱二年三月十三日分稽會置大曆二年十二月七日權

廢七年十二月二十五日刺史陳少遊又奏置元和七年正月

隸入稽會蕭山兩縣十年二月復置之 剡縣武德四年置嵯州

八年廢依旧為縣 永興縣儀鳳二年割會稽置天寶元年八月

二十四日又改為蕭山縣 餘姚縣武德年置姚州七年五月

州廢未屬 饒州新昌縣武德五年析鄞陽置後廢開元四年

又置天宝元年八月十四日改為浮梁縣 福州隋泉州武德八年改為豐州都督府正觀元年廢為泉州久視元年置武榮州景雲二年改為閩州開元十三年復改為福州 候官縣長安三年析閩縣置元和三年三月併候官長樂入閩縣福唐兩縣併將樂縣入建安邵武兩縣初觀察使陸准例省之於旧縣各置場官一刻木為印徵其租稅居人不便至五年四月又復置 萬安縣聖曆二年置天宝八載八月二十四日改為福唐縣

溫麻縣長安四年置天宝元年八月二十四日改為長溪縣 泉州景雲二年分武榮州置 南安縣武德二年置豐州正觀元年州廢並來屬 莆田縣武德六年三月置 清源縣天宝元年八月二十四日改為仙遊縣汀州大曆十四日正月二

十六日移於長縣白石鄉黃連縣改寧化縣也 漳州垂拱二年九月置漳浦縣 新羅縣改為龍岩縣並是八宝元年八月二十四日勅置 懷恩縣垂拱二年置

潮州湖陽縣永徽四年廢先天二年置 建州武德四年置

浦城縣武德四年為吳縣天授二年改寧縣神龍元年改為

唐吳縣天宝元年八月改浦城縣 邵州武德六年置梁州正觀十年

改為邵州 邵陽縣武德四年置建州正觀元年改為縣 武岡縣

隋為武攸武德四年改為武岡彬州義章縣武德四年廢八年

又依舊 南平縣武德七年改為武縣咸亨二年又析置南平

縣天宝元年八月二十四日改監山縣

高平縣長壽二年置 安凌縣開元十三年置 盧陽縣天

宝元年八月二十四日改為義昌縣 潭州劉陽縣景龍元年

置

湖潭縣天寶八載八月三十日移於路口置岳州昌江縣神龍三年置華容縣垂拱二年改為容城縣神龍元年二月復為華容縣

衡州衡陽縣武德初蕭銳改為臨蒸縣因茲不改至正觀元年復改為衡陽縣

茶陵縣武德七年置正觀七年省壽聖元年復置吉州安福縣武德五年置潁州後改為安福縣十年州廢永新縣顯慶四年置

虔州南安縣永淳元年析南康置天寶元年八月二十四日改為信豐縣

大庾縣神龍元年置安遠縣正元四年八月四日置

道州正觀元年初置南榮州至七年改為道州十七年六月十

七日併入永州上元二年十月八日又置唐興縣蕭銳置

梁興正觀八年改為唐興縣長壽二年改為武盛神龍元年復為唐興縣天寶元年八月二十四日復為延官江華縣文明

元年改為雲溪縣神龍元年二月復舊焉

弘道縣天寶二年十月二十五日置

大曆縣大曆二年七月二十六日置

括州括蒼縣大曆十四年夏五月改括州為處州括蒼縣為麗水縣

洪州分寧縣正元十六年二月置鄞城縣天祐二年十二月改為吳高縣

撫州南豐縣開元八年三月置之信州貴溪縣永泰元年十

月分七陽縣置
永豐縣元和七年正月廢入上饒縣

歙州歸德縣大曆四年二月廢入休寧縣
北野縣大曆四年二月廢入歙縣
婺源縣開元二十八年正月十日置

睦州清溪縣舊名上字與憲宗廟諱同
永正元年十二月改清溪縣

池州永泰元年十月分宣州饒州歙州戶口於清
秋浦縣置以秋浦陽至德并析置石埭等四縣隸

温州上元二年四月析括州永嘉安國二縣置
樂安縣永寧縣上元二年四月析臨海縣置

劍南道

成都府蜀縣正觀七年六月十七日分成都縣置
犀浦縣垂

拱二年三月二日分成都縣置
廣都縣龍朔三年八月十六

日分雙流縣置
東陽縣久視元年十二月三日置
天寶元年八月二十四日改

為靈池縣
溫江縣隋萬春縣正觀元年改為溫江縣
漢州垂拱二年三

月三日分益州雒縣置
金唐縣咸亨二年三月置
彭州垂拱三年三月分益州九隴縣置
九隴縣武德三年置

濠州正觀元年廢
導江縣隋汶山縣武德元年改為龍盤縣
隸濠州尋改為灌寧縣
二年改為導江縣
唐昌縣儀鳳元

年置
蜀州垂拱二年三月分益州晉元縣置
唐安縣義寧二年置

唐榮縣天后改為武崇縣
神龍元年二月復為唐崇縣
先天元

年改為唐安縣 緜州西州縣開耀二年正月十八日割巴西縣置

昌明縣先天元年置 涪城縣大曆十三年五月隸梓州

姚州長安二年置尋廢入雋州垂拱元年又置并長縣天寶元年八月二十四日改為南瀘縣

黎州長安二年置神龍三年廢開元四年七月二十二日置

果州武德四年置

邛州大邑縣咸亨四年析晉原縣置

雅州百丈縣正觀八年置 飛越縣儀鳳四年置

眉州崇山縣先天元年改為彭山縣

雋州先廢大曆四年正月割邛州蒲江臨溪兩縣復置之大和六年五月西川奏移於登臺城 可縣天寶元年八月二十四

日改為西瀘縣

會川縣上元二年改邛都置

梓州元和元年十月以平劉闢乃割西川所管資簡陵崇昌瀘等六州隸東川至四年正月以東川所部跨制太遠武元衡論

奏復隸西川崇州義縣瀘州合江縣元和十三年五月東川節度使李逢吉請各移於舊縣界制以便水陸貿遷從之

維州恭州武德七年正月開白狗等羗置之天寶亂沒入吐蕃大中三年九月西川節度使杜宗奏收復

蓬州蓬池縣開成三十年四月置

牢州貞觀二十一年二月置隸雋州都督府

崇州武德二年割資州於公井縣正觀六年移於太牢縣永徽二年移於地川縣 威遠軍正觀六年六月置 太牢縣天寶

元年八月二十四日改為鹿靈縣

靜州永徽四年十月九日置

茂州武德四年五月立為南會州正觀八年改為茂州

劍州永徽五年正月十五日置為始州先天二年四月十日復

舊焉 聖門縣聖曆二年置

遂州唐吳縣開耀二年正月十七日置 天寶元年八月二十四

日改為蓬溪縣

蓬寧縣景龍元年置

閬州先天縣二年改隆州為閬州

間州武德二年置元和四年正月以東川所部復隸劍南西川

悉州永徽六年分松州左封縣也

龍州開元十五年六月十五日分戎州置後停

殷州開元十五年六月十五日分戎州置後停

昌州朝元二年五月二十一日分資普二州置

嶺南道

廣州大寧縣垂拱三年置

八年改為正州十三年州廢來屬 懷集縣武德五年置威州

正觀七年廢 滄沂縣武德五年置沂正觀元年州廢來屬

柳州武德五年置南昆州正觀七年改柳州 洛曹縣元和十

三年正月桂州奏洛村縣元置在洛曹山側請改洛曹縣從之

韶州湏陽縣光宅元年割始興縣置 康州武德五年置

南康州正觀十三年除南字 桂州長慶三年十二月桂管現

察使殷侑奏當管縣名與陵號同及與諸州縣名同摠四縣一

縣與蕭宗陵號同桂州建陵縣今按圖經縣有修鄉仁伏請改

為脩仁縣永豐縣與信州永豐縣同按圖經縣下有豐水請改為豐水縣富州開江縣唐州平原縣與德州平原縣同名按圖經後所開請改為江縣唐州平原縣與德平原縣同名按圖經縣下有思和水清改為思和縣從之荔浦縣正現三年置十三年廢矣臨源縣大曆三年五月改為全義縣也邕州藤州元隸容州咸亨三年五月割隸邕州瀼州籠州環州古州正現十七年置

業州大曆五年十一月改為漿州昭州正現八年置富州元和十年正月桂州奏觀察使請移歸旧城乃從之

岩州元隸容府咸亨三年五月割隸邕州安樂縣元和十三年十月容管經略使奏岩州為黃洞賊所陷請置行岩州於安樂縣從之

林州正現十一年改為緡州賓州武德五年置

南扶州正現八年改焉靜州正現八年改為富州潘州武德四年置南岩州八年改為潘州貴州武德四年置南伊州正現七年改為貴州方州武德四德年置正現五年又改為方州橫州同上四年為南簡州正現八年又改焉

濠州正現八年置南恭州後改焉黔州道費夷二州正現四年九月開蠻置秦州正現八年置垂拱二年改為開元十年復旧大曆五年十一月改為叙州珍州本沅州長安四年置舞州開元十二年又改為鶴州

思州正現八年改勢州為思州

黨州建中二年六月併入平琴州改為黨州瓊州正現五年十月嶺南道節度使李復奏收復瓊州表曰瓊州本隸廣州府管内乾封中山洞草賊翻叛都督李逸撫馭失所遂致淪陷已

經一百餘年臣差判官監察御史姜孟京崖州刺史張少遷等
悉力攻討累經苦戰方克旧城便令降人開剪荆秦建立城柵
屯集官軍臣竊覘瓊州控壓賊洞若移鎮軍在此必莫永絕姦
謀伏望升為下都督府仍加瓊崖振摠萬安等五州招討遊奕
使其崖州使額諸停之 崖州臨高縣正元七年十月割屬瓊
州 瓊山縣正元七年十一月合瓊山容瓊為一縣 南安南
定縣正元八年六月復置 哥富州尚思州安德州正元十二
年七月南安置

慕化縣正義縣已上兩縣上字與憲宗廟諱同永正元年十月
改為慕化正義縣也 鬱州旧名與憲宗廟諱同永正元年改
為崖州 橫州從化縣名與憲宗廟諱同永正元年十二月改
為從化縣焉 南寧州咸通六年三月四日黔中經畧使盧潘

奏於清溪鎮置從之

十二衛

武德元年諸衛因隋舊並為府至龍朔二年二月四日並去府
字為衛正觀衛武德元年六月因隋舊制為左右翊衛五年十
月去翊字年但為左右衛正觀十六年十月上謂左衛大將軍
李大亮曰公敦懿其心誠善事主每行夜自當丙夜遣郎將中
郎將行甲乙丁戊等夜身先於人真將軍也 開元六年六月
四日勅左右衛中郎將及諸四色官等不在外配雜差之限左
右驍衛左右武衛 光宅元年改為左右鷹揚衛神龍元年二
月四日復改為左右武衛 左右威衛光宅 年改為左右豹韜神龍元年復左右威衛其
年七月又改為左右屯衛景雲二年八月二十八日又改為左

右威衛

左右領軍衛龍朔二年改為左右戎衛咸亨元年十二月二十四日復為左右領軍衛光宅年改為左右玉鈐衛神龍元年復左右領軍衛左右金吾衛

武德初年因隋旧制為左右武侯府龍朔年改為左右金吾衛正觀十年十二月馬周奏諸街置鼓罷傳呼龍神三年八月二十六日勅諸街鋪並令左右金吾中郎將自延仍各加果毅兩人助巡探

景雲二年五月七日勅左右衛將軍縱非當上日每日一人押伏其左右金吾將軍亦一人押伏一人奏平安 乾元元年二月二十二日勅左右金吾內外廊所緣墻壁廊宇器械等破碎並宜於當色月番人中簡擇巧兒隨事脩理如更別創造緣墻

宇所須一切已上具狀錄奏仍永為恒式 寶應元年十月二十八日左金吾將軍臧希晏奏諸街鋪鼓比來依漏刻從朝堂發遠處每至夜終到伏望今日已後減常式一刻發聲度絕遠犯勅旨依奏

大曆三年十月三日左右金吾引駕伏自今已後每伏置判官兩人左右街使置判官一人並取金吾將軍衛佐充二周年放選優與處分至十三年六月八日勅考滿後任依常式不在成優放選至十四年七月勅左右金吾引駕伏三衛等承前以來抽充三番將軍手力及都知判官等處并承省承符區使仍取資課供用禁衛之人不合擅離職掌自今以後宜一切停建中元年七月詔以鴻臚寺所統左右威邊營隸金吾 正元二年九月勅諸衛上將軍自今以後每朝下馬至朝堂以來宜令左

右金吾作等級差人引接其朝退亦送至上馬處至三年閏三
月八日勅四月一日已後五更二點放鼓契九月一日已後五
更三點放鼓契日出後二刻傳點三刻進坐碑元和十三年十
二月左右金吾引駕伏奏伏以舊例驅依子等金吾將軍已下
並共襴笏引入閣門謹案大讎者所以驅除群屬合資威武其
光儀襴笏之制常參朝服舊制未稱今後伏請各衣錦繡其中
袂帶儀刀部引出入則與事合宜從之 大和二年三月左右
金吾引駕伏奏臣伏以宿衛官健素有名額因循相習漸慢常
經臣自授任以來每誨懷憂懼縱寬尸祿何患敗官况臣丙夜
自當竊希往躡百點親至編開前規據人數總二百以來準元
額不及大半去二月十三日已具陳奏今臣搜求諸頭冗剩量
減所由資課徇謀旧例斟酌事情遂遺抽收四百四十七人數

既足佗處驅使亦無欠闕輒具條流伏乞勅臣當司永為恭守
勅旨依奏 會昌三年十一月中書門下奏金吾左右街副使
近者未一年即以替換皆因請託莫展勤劬後望令三考滿即
與換非時不得替換勅旨依奏 左右監門衛皇朝左右監門
府置大將軍中郎將等龍朔二年改為監門衛舊制凡京司應
以籍入宮殿門者皆大司具其官爵姓名以移牒其門老流外官
雜色人并
具註年
紀顏狀門人送于監門勘同然後聽入凡財物器用應入宮者
所由以籍傍取左監門將軍判門司校以入之應出宮者所由
籍傍取右監門將軍判門司檢以出之其籍月一換
左右千牛衛 武德初為左右府顯慶元年改為左右千牛衛
龍朔年改為左右奉宸衛咸亨年復為左右千牛衛延和元年
五月二十八日勅千牛將軍中郎將等若有假故每日通融一

人揮杖。大將軍。神龍元年三月十九日置以安國相王為之千牛。龍朔年改為鳳。咸亨年復為千牛。龍翔年又改為奉裕。神龍元年二月復為千牛。至今不改。永徽元年尚書左僕射褚遂良請千牛不簡嫡庶。上表曰：臣聞主祭祀之徹，必資於嫡。長擢文武之才，無限於正庶。故知求賢之務，有異承家。前王制禮，緣情務極。永嘉已來，王塗不竟。在於河北，風俗頓乖。嫡待庶若婢，廢情虧禮。轉相因習，御怨於室。取笑於朝，莫能自悔。死而無悔，降及隋代。斯流遂遠，獨孤後罕。惟鳩之德，司牝鷄之晨。普禁庶子，不得近侍。自始及末，怨聲未弭。聖朝御曆，深革前弊。人以才進，不論嫡庶。于茲二紀，多士如林。今者簡千牛舍人，為此制。臣竊思審於理，未安。何者？以父貴子，不緣母也。今以母非正室，令子無貴，是則趙衰采於越婢，遠集

產於胡姬，田文牧阜，皆妾子也。文則播美於強，阜則有聲於大漢。未聞前載有所間然。儻側室之子，負材而不用，君棄之於上，家輕之於下。忠孝莫展，友愛無施。如此等人，豈不怨憤？雖隔千牛之選，仍許三衛之官。色類乃復稍施，殊捍禦。至竟無別至如昨，未檢責。租人公孫父達及崔仁師等，兇多是嫡子，故知善惡由乎積善。邪正寧限庶嫡，必然之理，不言可明。開元十一年三月二十八日，准令千牛二、中、上考始進一階。既是衛官，又須簡試。金依職事，頗亦傷。若五考滿者，折為四考；四考折為三考；三考折為二考；二考折為一考。更有贖考，亦準此通折。出經一考不在折成，其進馬考既稱第，宜倍折。正元七年十二月五日，兵部奏事條取門地清華，容儀整肅。年十一已上，十四已下，試讀一小經，兼薄解弓馬。其蔭取嗣王任。

常品四品已上清資官宰輔及文武職事正三品已上官御史大夫諸司卿監國子祭酒京兆河南尹子孫至男見任左右丞諸司侍郎及左右庶子應前任并身役蔭者三品已上官仍須兼三品已上階其見任官蔭並不須階庶孽酗酒疾等並不應限一蔭之下不得兩人應補并周親有見任千牛亦不在應限所用蔭若是攝試檢其外兼官等非正闕釐務者並不在應補限應用贈蔭者須承前歷任清資事兼門地與格文相當者其贈蔭降品請準格式處分勅旨依諸衛中郎將永徽三年八月二十日避太子諱改中郎為旅賁郎將改為翊軍郎司階二員中侯三員司戈執戟各五員並天授二年四月五日置曹曹舊為鎧曹垂拱元年二月改為曹曹統軍興元元年正月二十九日勅六軍宜各置統軍一人秩從二品上將軍正元二

年九月一日勅六軍先已有勅各置統軍一人十六衛宜各置上將軍一人秩從二品其左右衛及左右金吾衛上將軍俸料隨軍人馬等同六軍統軍其諸衛上將軍次於統軍支給自今已後內武文武官關於文武班中才望相當者相參叙用仍待已後各故事於本衛量置衛兵所司續商量條件奏聽進止仍奉故事置武班朝參其廊下食亦宜加給稍令優厚

大曆四年七月勅入閤并殿中郎將等帶力并殿職掌不輕宜委中書門下精加選擇仍於品第於廊下別與置廚其千牛郎將宜準此正元年九月十三日左右衛左右武衛左右驍衛左右威衛左右領軍衛左右監門衛左右千牛衛等上將軍大將軍宜於入宿至四年二月勅選人南北衛宿衛前任京官等前御帶衛者依資並於京官 十一年正月初置四品已下武

官以授四夷歸附者仍定懷化大將軍以下俸錢有差初顯慶三年以四夷君長未朝者多乃置懷德歸化將軍以授之仍隸

諸衛至是上以降附者名位有差故增置中郎將以下負

按國史本

記及實錄並為懷德歸化將軍二說不同當有誤者

太和四年五月

月兵部奏伏以三衛出入禁署本署子弟期於恭恪近日頑弊

皆非正身諸衛公然納資訪聞亦不雇召士度假蔭混雜搆紳

隲既一開姦濫空入實宜杜絕以序彝倫其資蔭三衛並請停

廢異清流品式茂皇猷勅旨依奏 開成元年五月中書門下

奏入閣升殿接狀中郎準故事合是左右千牛衛中郎比緣用

人未精去年一時除縣主婿四人臣昨日今勘尋左仗一人身

亡準舊例便是金吾仗司於諸位中郎差替並不申中書門下

臣等商量從今以後左右千牛中郎將闕人及在假故遇入閣

日望令金吾司申中書門下於南省郎官中權定擇差訖先具

名御申中書門下如臨日揀擇差遣不及則闕而不補莫免乖

雜其郎官兼中郎有假故都省便於郎官中權定充替仍先具

狀申中書門下勅旨依奏

天復三年二月以宰相崔轍守司徒兼侍中判六軍十二衛四

月崔轍奏六軍十二衛名額空存實無兵士京師侍衛亦籍親

請每軍召募一千一百共置六千六百人從之乃令六軍副使

京兆尹鄭元規立格召募

東宮諸衛

左右衛率府 龍朔二年二月四日改為典戎衛咸亨元年十

二月十四日復旧左右司御率府 龍朔二年為左右司御衛

咸亨元年改宗衛景雲二年八月二十八日改復為司御率府

左右清道率府 龍朔年為左右清道衛咸亨年改為虞候神龍元年復為左右清道率府 龍朔年改為宗掖衛垂拱元年二月二日改為左右監門率府 龍朔年改為左右監門 內率府 龍朔年改為神祿衛咸亨年復為內率府垂拱元年二月二日改為左右奉祿率府神龍元年復舊唐元元年十月詔軍衛及率府五品已上正員武官得替及以理去任者宜令兵部准五品已上文官例每年作限條件聞奏

唐會要卷第七十一

唐會要卷第七十二

京城諸軍

府兵

軍雜錄

諸監馬印

諸蕃印

京城諸軍

武德三年七月十一日高武以天下未定將舉關中之眾以臨四方乃下詔曰周置六軍每習蒐狩漢增八校畢選驍勇故能九有威震百蠻况今伊洛猶蕪江湖尚梗各因部校序其統屬改復鈺鐸創造徽章取象天官作其名號於是置十二衛將軍分關內諸府隸焉每軍將一人副一人取威名素重者為之督以耕戰之事軍名傳并所造万年道為參旗軍長安道為鼓旗軍富平道為玄戈軍醴泉道為井鉞軍同州道為羽林軍華州道為官騎軍寧州道為折威軍岐州道為平道軍幽州道為招搖軍西麟道為游奕軍涇州道為天紀軍宜州道為天節軍至六年二月

二十四日廢八年五月以突厥為患復置十二軍
羽林軍正觀十二年十一月三日於玄武門置左右屯營以
諸衛將軍領之其兵名曰飛騎又於飛騎中簡才力驍健善騎
射者號為百騎上遊幸則衣五色袍乘六閑馬賜猛獸衣韉以
從之至永昌元年十月二十八日改百騎為千騎至景雲元年
九月二十七日改千騎為萬騎
垂拱元年五月十七日置左右羽林軍領羽林郎六千人至天
授二年二月三十日改為左右羽林衛以武攸寧為大將軍神
龍元年二月四日又改為左右羽林軍張柬之等將誅張易之
兄弟引右羽林大將軍李多祚禱其事謂曰將軍在此間幾年
曰三十年矣柬之曰將軍繫鍾鼎食要縣金紫綬貴寵當代位極
武臣豈非大帝之恩將軍既感大帝殊澤能有報乎大帝之子

見在宮中逆豎張易之兄弟操朝夕危逼宗社之道將軍誠能
報君正要今日多祚曰苟緣王室惟相公所使終不顧妻子性
命因即引天地神祇為要誓辭氣感激義形於色及平內難封

遼東瑯琊

景雲元年八月二十五日又改為左右羽林軍乾元年十月四
日勅左右羽林右龍武左右神武軍文武官並昇吾同金吾四
衛

神龍元年田歸道為殿中監押千騎宿衛於武門敬暉之討張
易之昌宗也遣使就索千騎歸道預先不預其謀拒而不與及
事定暉等欲誅之歸道有辭免令歸顏宜停將士及當軍一切
已上並合入左右威遠營依前置使二人勾當十三年十二
月初左右龍武等六軍及威遠營應納課戶其一千八十人所

請衣糧宜並勒停仍委本軍其名牒送府縣收管自正元以來長安富戶皆隸要司求影庇禁軍挂籍十五六馬至有恃其多歲安處闌闖身不宿衛以錢代行謂之納課戶至是約禁絕

天祐二年正月二十三日勅威遠軍宜停廢其所管兵士便隸六軍其軍使張勤宜却守本官歸班神策軍天寶初哥舒翰破吐蕃於臨洮城西二百餘里遂請以其地為神策軍朝廷以成如璆為洮陽太守兼神策軍使及安祿山反如璆使其將衛伯玉領神策軍千餘人赴难于相州城下官軍相州之敗伯玉收其兵與官軍容使魚朝恩同保陝州時西邊土地已沒遂詔伯玉所領軍號神策軍以伯玉為軍使與陝州節度使郭英乂同鎮于陝觀軍容使魚朝恩亦在為來伯玉以其兵東討有功遂加號神策軍節度使伯玉尋歸朝英乂兼領神策軍節度使尋追郭英乂為僕射其軍遂統于觀軍容使屬廣德初代宗幸陝

朝恩以神策軍以迎兼護車駕幸其營焉京師克平朝恩以所統軍歸于禁中至大曆五年朝恩得罪死以其將刘希暹代之是歲希暹復得罪以朝恩舊將王駕鶴仍改琇珪曰志正朱泚之亂德宗幸奉天志正流貶李晟自山東詔加神策行營節度興元剋復晟出鎮鳳翔始分神策為左右廂令內官竇文場王希遷分知兩廂兵馬

正元九年九月二日神策左右廂宜改為左右神策軍每軍置大將軍二人秩正二品將軍各二人從三品殿前射生左右廂改宜為殿前左右射生軍各置大將軍二人秩正二品將軍二人從二品將軍二人從五品其賤田俸錢手力糧料等同六軍十二衛至三年四月十七日左右射生宜改為左右神威軍三年勅左右軍各加置將軍員六年八月鑄藍田渭橋等鎮過

使印凡二十三顆七年詔武威神策六將軍自相訟委官司推勘與百姓相訟委府縣推勘小事移牒大事奏取處分軍司府縣不相侵十年京兆尹楊於陵奏諸軍影占編戶無以別白請致狹名每五丁者得兩人入軍四丁三丁者差以條限從之十四年八月詔曰左右軍特為親近宜署統軍以崇禁衛其品秩俸祿料一事以上同六軍統軍例二十一年五月以檢校尚書左僕射右金吾大將軍范希朝為兼右軍京西諸城鎮行營節度使駐于天王叔文欲專兵權籍希朝年老舊將使主其名又以其黨韓湊兼御史中丞克左右神策京西諸城鎮行營兵馬節度使行軍司馬且欲弟中宗嘉其忠莊拜太僕少卿二年七月二日勅左右羽林飛騎厨食准國子監例委軍司自定官典押當景龍元年十月停戶奴為萬騎

先天二年正月詔侍者計戶充軍使二十一人募六十出軍既憚劬勞咸欲避匿不有釐革將何致理應天下衛士取年二十五已上者充十五年即放出頻經征鎮者十年放出自今後羽林飛騎並於衛士中簡補

開元十年九月二十七勅駕在京左右屯營宜於順義景風門內安置北衙亦著兩營大明北門安置一營大內北門安置駕在東都左右屯營於賓曜右掖門內安置兼於玄武北門左右廂各據地界繞宮城分配宿衛十八年十一月五日勅應補萬騎宜侍本使狹名錄奏勅下然給食糧者二十六年十一月五日折左右羽林軍置龍武軍以左右萬騎營隸焉或出二十七年天寶五載三月十八日勅應厥飛騎請委郡縣長官先取長六尺不足即通取五尺九寸已上灼然濶壯膂力過人者申送

七載七月二十日勅左右羽林軍飛騎請准後加教通舊一萬
五千人為定額六番上下至德二載十二月十四日左右神武
兩軍先取元扈從官子弟充如不足任於諸色中簡取二千人
為定額其帶品人並同四軍例自身准萬騎例仍賜名神武天
騎永為恒式

寶應二年六月以前准西節度使安州刺史王仲昇為右羽林
大將軍知軍事仍兼御史大夫六軍將軍兼憲官自此始也

廣德二年正月勅左右神武等軍各一千五百人為定額左右
羽林軍各以二千人為定額

正元三年五月左右神武等軍各加將軍一員上以諸道大將有
功勞者將擢掌禁兵故增其官員以待之仍以浙西大將王栖
曜李長榮河東大將軍鄭元符璘充之

四年八月勅左右羽林軍飛騎等兵部召補格勅甚明軍司不
合擅有違越自今已後不得輒自召補

元和二年正月勅左右羽林軍應管月番飛騎摠五千六百一
十三人宜停其四月勅左右威遠營置來已久著在國章近置
英武軍及加軍額宜從併省以正舊名其英武軍因而代之會
边上諸將各以狀辭中尉且言方屬希朝中尉始悟兵柄為叔
文等所奪仍令其使歸告諸將曰無以兵屬及希朝至奉天諸
將至者韓泰馳歸白之叔文計無所出

元和二年正月京兆尹李鄘奏三原高陵涇陽興平等四縣兵
管烽二十八所每年差烽子計九百七十五人遠近無虞畿內
烽燧請停從之三年正月詔普潤鎮兵馬使隸左神策軍良原
鎮兵馬使隸右神策軍其月罷左右神威軍額合為一軍號曰

天威軍至八年廢天威軍以其騎士分屬左右神策衛穆宗嘗欲簡選武士復立此軍以為心腹謀於宰臣裴度以為不便遂止十三年四月內出印亡紐賜左右三軍辟仗使舊制內官為六軍辟仗使盤視刑賞奏察違謬猶外方征鎮之監軍使初不置印于時監軍使張奉國李文悅嘗見工徒出入官衙慮外患初息禁中營繕或多因白宰臣冀以論諫宰臣裴度遂諫之上怒奉國等不自陳而外議禁中事絕其朝請軍數目納度之諫釋之遂授奉國鴻臚卿文悅左威衛大將軍充威遠營使龍武軍既闕帥由是命辟仗使主軍印異於事其軍之佐吏或抗言以論或移疾請告於是特賜辟仗使專事焉其年六月京兆尹李遊奏諸司使諸軍所由官徒等共九十四人狀名伏檢元和二年三月勅並委京兆府比從十年更無逃亡補替等處遂使影

占文牒散在村坊凡欲差役皆無憑據臣所請諸司案舊名額自元和二年其逃亡補替挾名鄉縣牒臣當府令與左右神策金吾軍伏乞聖一例處分度明區永久有常勅左右軍已後別勅處分餘並依

長慶二年三月詔曰如聞近日武班之中淹滯頗久又有諸道薦送大將或隨節度使歸朝自今已後宜令神策六軍使及南衙常參武官各具由歷并後前功績牒送中書門下若勳伐素高人才特異者量加獎擢其常參武官准其年月改轉勿令淹滯四年三月制勅應屬諸軍諸司諸使人等於城市及畿內村鄉店鋪經紀自今已後宜與百姓一例差科不得安有影占開成三年九月勅左右神策軍所奏將吏改轉比多行牒中書門下使覆奏處置今後令軍司先具聞奏狀到中書然後檢勘

進覆

會昌元年二月勅左右神策軍先有奏正員官大將請授官事起今後已宜依資改轉如無正員官者軍司欲為奏論須有功績者宜具事跡聞奏當為甄獎不在注擬之限五年七月勅左右神策軍定額官各十員判官三員勾覆官支計官表奏計官一員孔目官二員驅改轉止於中下州司馬並不擬登朝官其驅使官從使挾名勅下各從補後計四年優放選其十員官如官滿及用闕本軍與奏仍申中書門下依資擬官判以下十員如老弱不任途事須停解者終身不許更有參選如有殿犯即據官判以下或謫官復資或罪輕停解者亦須終身不許更有參選仍永為常式其元和二年十員定額官勅不在行用之限六年十一月勅左右神策軍自今已後如有奏判官以下官額

十員請轉官者宜委中書門下依元和二年流例與覆奏進擬其會昌五年七月四日釐革定額轉官勅自今已後不要行大中五年十月京兆尹常諷奏京畿戶於諸軍影占苟免府縣差役或有追計軍府紛然請准

會昌五年十二月勅諸軍使不得強奪百姓入軍從之
光啓六年四月以右金吾衛將軍齊國公田令孜為左右神策軍使時自蜀中護駕令孜招募新軍五十四都每都千人左右神策各二十七都分為五軍令孜總領之

府兵

武德元年五月改隋鷹揚郎將為軍頭六月十九日改軍頭為驃騎將軍副為車騎將軍六年五月十六日車騎將軍府隸驃騎府七年三月六日改驃騎將軍為統軍車騎為副統軍至正

現十年改統軍為折衝都尉副為果毅都尉凡府以衛士一千二百人為上府一千人為中府八百為下府在赤縣為赤府在畿為畿府衛士以三百人為團圓有五十人為隊有正十人為大有長脩六馱馬驢初置八馱後改為六馱米糧介冑戎器錫募貯之府庫以備武事閔内置府三百六十一積兵士十六萬舉閔中之眾以臨四道亦置每歲十一月以衛士帳上于兵部以俟徵發天下衛士尚六十万初置以成丁而入六十出役其家不充正徭通計舊府六百三十三河東道府額亞於閔中河北之地人遂漸逃散年月漸久逃死者不補轉漸寡弱宿衛之數不給永徽三年十一月勅折衝果毅老弱簡退者宜同致仕
開元六年五月二十七勅諸折衝府兵每年一簡點所至時所司修奏

十一年十一月二十日兵部尚書張說置長從宿衛兵十萬人於南衙簡京兆蒲同岐等州府兵及白丁准尺八例一年兩番州縣更不得雜使役仍令尚書左丞蕭嵩與本州長官同揀擇以聞至二十三年二月二十一日始名曠騎分隸十二衛十六年二月二十五日曠騎弓手宜改為左右羽林騎二十六年八月十日勅三衛當番逢閏併比諸色稍亦艱辛諸每至閏月取以取次番人循環當上庶免偏併二十九年閏四月勅應簡三衛曠騎宜令京畿採訪使御史中丞張倚兼知不須更別差使從今已後使有移改亦常令一中丞相知勾當
天寶八年五月九日停折衝府上下魚書以無兵可交至末年折衝府但有兵額其軍士戎器六馱錫募糗糧並廢
寶應元年四月十七日畿縣折衝府闕官本縣令攝判其手力

每府不得過一人
軍雜錄其軍士兵器六

永徽元年四月勅衛士掌閑募士遭喪合期年上者宜听終制
三年

景泰二年正月勅諸王駙馬不得參掌禁兵見任官者並令改
元

元和元年六月十三日勅單身百姓父年七十已上及無父其
每年六十已上並不得差征鎮

開元十三年四月二十一日勅四軍槍稍左飛騎用綠分右飛
騎緋紛左萬騎紅紛右萬騎碧紛十五年六月三日勅諸軍不

得奏置參謀軍事
天寶八年五月十八日於開遠門外作振
旅亭以待兵回
九年七月五日諸衛應隊仗所用緋色旗幟

等並改為赤黃以符土運其諸節度使亦准此
十一年八月

十一日改諸衛士為武士
十四年十一月二十七日於京師
召募十萬衆號曰天武健兒

天寶末天子以中元太平修文教廢武備銷鋒鏑以弱天下豪
傑於是挾軍器者有辟蓄圖讖者有誅習弓矢者有罪不肖子

弟為武官者父兄擯之不齒惟邊州置重兵中原乃包其戈甲
示不復用人至老不聞戰聲六軍諸衛之士皆市人白徒富者

販繒綵食梁肉壯者角抵拔河翹木扛鐵日以寢闕有事乃服
慄不能甲其後盜乘而反非不幸也

廣德二年二月禁王公百吏家及百姓着皂衫及壓耳帽子異
諸軍官健也

大曆二年二月二日勅皇王等已上親不許與軍將婚姻駙馬

郡主壻不許與軍將交游王等已上歸不許與軍部相聞
十年正月諸詔道軍甲每年秋末各首一申春夏不須申其官
健逃亡非承正制勅不得輒召募十二年十月禁京畿持兵器
捕獵

建中十四年四月初令京師募兵以神策使白志正為之使又
故節度觀察使武將家出僮馬具戎裝從軍自是軍帥人心震
搖不保家室

正元元年六月詔槍甲之屬不蓄私家四年三月自武德東門
策垣約左藏庫之比屬於宮城東城垣於是武庫入而廢焉其
器械隸於軍器使元和元年三月勅京城內無故有人於街衢
中帶戎仗及聚射委吏執送府縣科次其諸軍諸使禁身奏取
進止

六年三月京兆尹王播奏諸縣軍鎮放牧人等不得帶弓箭刀
劍器仗從之

大和元年十一月勅如聞京城百戶多於坊曲習射宜令禁斷
其諸軍諸使各仰有司自差人覓察開成元年正月勅坊市百
姓其多着緋皂開後稷子假記軍司自今已後宜令禁斷其年
三月皇城番守奏城內諸司衛所管羽儀法物數內有陌刀利
器等仗以臣所管地附近宮闕兼有倉庫法駕羽儀分投務繁
守捉人少前件司衛皆有刀槍防虞臣所管將健並無寸刃其
諸司衛所有陌刀利器等仗請納在軍器使如本司要立仗行
事請給儀刀廢無他患勅旨宜令送納軍器使令別造儀刀等
亮替

大中六年九月勅京兆府奏條流坊市諸車坊客院不許置弓

箭長刀如先有者並勒納官百姓所納到弓箭長刀等府縣不
不合收貯宜令旋納弓箭庫仍委府司切加覈察所守等不得
輒有截隱有順二年四月二十五日勅諸道軍人及在京諸
司人吏並不得私置器械仍明出文榜曉示

馬

正現二十一年八月十七日骨利幹遣使朝貢獻良馬百疋其
中十疋尤駿太宗奇之各為製名曰十驥其一曰騰雲白二曰
皎雪驄三曰凝霜白四曰懸光驄五曰決波駒六曰飛霞驄七
曰發電赤八曰流金馱九曰翔麟紫十曰本虹赤上乃叙其事
曰骨利幹獻馬十匹特異常倫現其骨大叢粗鬣高意濶眼如
懸鏡頭若側搏腿像鹿而差圓頸比鳳而增細後橋之下從骨
起而成峯側韉之間長筋密而如瓣耳根織銳杉材難方尾本

高鹿

非擬腹平膝小自勁驅馳之方鼻大喘疎不乏往來
之氣殊毛共攢狀花葉之交林異色同群似雲霞之間彩仰輪
鳥而競逐順緒氣而爭追噴沫則千里飛紅流汗則三條振血
鹿上不及起影不假生顧見弯弓逾勁羽而先及遙瞻伏獸占
人目而前知骨法異而應圖工藝奇而絕象方馳大宛固其駕
蹇者歟

永隆三年七月十六日夏州群牧使安元壽奏言從調露元年
九月已後至二月五日前死失馬一十八万四千九十疋牛一
万一千六百頭

開元二年九月太常少卿姜晦上疏請以空名告身於六湖州
市馬率三十疋馬酬一游擊將軍時麻中馬十三年張說為隴
右群牧使頌云大唐承周隋離亂之後正現初僅得牝牡三千

從赤岸澤徙之隴右仍命太僕卿張萬歲葺其政焉至麟德中
四年至七十萬六千匹置八使以董之設四十八監以掌之跨
隴右金城平涼天水四郡之地幅員千里猶為隘狹更析八監
布於河曲豐曠之野乃能容之于斯之時天下以一緡易一馬
及張氏中廢二十年間所殘蓋寡張氏三代由群牧恩信行於隴右人以馬歲為四齒兩齒亦謂之背二向三者為張氏之家諱歲字

天寶六載十二月九姓堅昆及室韋獻馬六千匹令於西受降
城使納之十三年六月一日隴右群牧都使奏臣差判官
殿中侍御史張通儒群牧副使平原太守鄭遵意等就群牧交
點摠六十万五千六百三頭足口三十二万五千七百九十二
疋馬內二十万八千一疋草七万五千一百一十五頭牛一百
四十五頭釐牛五百六十三頭馳二十万四千一百三十四口

羊一頭騾十五年六月上幸蜀發扶風郡閑廐使任沙門盜
廐馬千餘足以救太子至平原郡遂蒐監牧及私群牧馬數
万疋軍威始振

大曆七年八月迴紇使還蕃以國信物一千餘乘遣之迴紇恃
功自乾元後仍歲來市以馬一疋易絹四十疋動至數万馬其
使候遣繼晉於鴻臚寺者非一番人欲帛無厭我得馬無用朝
廷甚苦之時特盈數遣之以廣恩惠俾其知愧建中元年五月詔市關輔牝馬三万足以實內廐

武關禁火馬出十四年四月勅鑄左右軍征馬使印各一紐
二十年四月罷關中萬安監先是福建觀察使柳冕久不遷因
事以求恩俸奏云關中南朝放牧之地可致羊馬蕃息請置監

收許之大收境內畜產牧放其中羊之大者不過十斤馬之良者直數千不經時輒死又却收以充之百姓怨苦之由是監覘察使閻濟美奏罷之
元和四年三月詔內廐之馬其數尚多委飛龍使其條流減省聞奏
十一年正月以討吳元濟命中使以絹万疋市馬於河曲其月迴紇使獻橐駝及馬以內庫繒絹六萬疋償迴紇馬直
十三年十月開廐使理岐陽舊馬坊地三百四十七頃尽歸之國家自正觀至麟德中國馬四十万疋皆河隴開元中尚有二十七万雜以牛羊等不啻百万置八使四十八監占隴西金城凉平天水四郡幅員千里自長至隴西置七馬坊為會計所都領岐隴間善水草及膏腴田皆屬七馬坊名額尽廢其地利

歸於節度使

長慶元年正月靈武節度使李昕奏請於淮南忠武寧等道防秋兵中取三千人衣糧月賜當道自召募一千五百人馬驍勇者以備兵仍令五十人為社每一馬死社人共補之馬無闕從之
其年三月范陽節度使劉總請進馬一万五千疋
大中六年六月河東節度使兼太原尹李業奏當管諸軍州草馬准死正元三年十二月十三日勅文不許出界又准去年五月十五日司門轉牒諸道應有草馬准勅並不令出界今緣近日諸道差人於當管市馬不依勅文并收草馬伏乞天恩詔下道准元勅約勅旨宜令本道准元勅處分如有違者即與區處聞奏

諸監馬印

凡馬駒以小官字印印又膊以年辰印印右髀以監名依左右

廂印印尾側

若形容端正擬送尚乘者則不須印監名

至二歲起春量強弱漸以飛字印印右膊細馬次馬俱以龍形印印項左送尚乘者於尾側依左右開印以三花其餘雜馬齒上乘者以風字印左膊以飛字印左髀經印之後簡習別所者各以新入處監名印印左頰官馬賜人者以賜字印諸軍及充傳送驛者以出字印並印右頰

景雲二年正月十四日勅諸王公主家馬印文宜各取本號名

諸蕃馬印

骨利幹馬本俗無印惟割耳鼻為記結骨馬與骨利幹馬相以少不如印出悉密馬與結骨相似稍不如印葛邏祿馬與悉密相類在金山西印

已上部落燕然管杖曳馬固與骨利

幹馬相類由多黑點驄如豹文去瀚海南幽陵山東杖曳固川同羅馬與杖曳固川相類亦出驄馬種在洪諾河東南曲越山北幽陵山東印

延陀馬與同羅相似出駱馬驄馬種今部落頗散西出者多今在幽州北印 僕固馬小於杖曳固於同羅相似住在幽陵山南印占

阿特馬與僕骨馬相類在莫賀庫塞山東南安置今鷄田州印

帛

已上部下馬同種類其印各別

契馬與阿跌馬相似在闊洪達并已北獨樂水已南榆溪州印

全

康國馬康居國也是大宛馬種形容極大武德中康國獻四千

足今時官馬猶是其種
突厥馬政藝絕倫筋骨合度其能致遠田獵之用無比史記自
奴畜馬即駒駝也

踰林州副利羽馬印
北安置印
俱羅勒馬與迴紇相類在特勒山北印
苾羽馬與迴紇同種印
赤馬與迴紇苾餘沒渾同類印
阿史德馬與蘇農執失同類在陰山北庫延容北西政連州印

此
恩結馬磧南突厥馬也
岑廬山都督印

副利羽馬磧南突厥馬也剛摩利施山北今踰林州印
契苾與磧南突厥相似在涼州闕氏岑移向特勒山住印
奚結馬與磧南突厥馬相類在鷄服山南赫連枝川北住金

鷄祿州印
已上部落同種類

研隆馬與磧南突厥同類今在故金門城北陰山安置今臯闕

州印
奴刺馬與磧南馬相類今日登州印
蘇農馬印
闐阿史德馬印
已上定襄府所管

舍和叱利等馬印
葛羅拔牙馬印
綽馬印
已上雲中府

阿史那馬印
蘇農馬印
契馬印
已上雲中府

阿史那馬印
蘇農馬印
契馬印
已上雲中府

阿史那馬印
蘇農馬印
契馬印
已上雲中府

阿史那馬印
蘇農馬印
契馬印
已上雲中府

管

阿豔馬印

康曷刺馬印

安慕路真馬印

安賒和馬印

沙陀馬印

處安山馬印

渾馬與聃薩馬同類今臯蘭都督又分部落在鼻蘭山買沒鷄

山印

契馬舟其馬極曲形小於突厥馬能馳走林木間今松漠都督

印兆也

奚馬好筋節勝契丹馬餘並與契丹同今饒樂都督北印

乙少也

唐會要卷第七十二

唐會要卷第七十三

單于都護府

三受降城附安北都護府 靈州附

安東都護府

營州附 安南都護府

安西都護府

姚州附 雜錄

單于都護府

永徽元年九月八日右衛中郎高侃執車鼻可汗獻于武德殿

以其餘衆於鬱督軍山分其地置單于瀚海二都護府單于領

郎山雲中桑乾三都督府蘇農等十四州瀚海領金徽新黎七

都督府仙萼賀蘭等八都督各以首領為都督刺史

麟德元年正月十六日勅改單于大都護府官秩同五大都督

初阿史德奏望冊親王為可汗德曰單于者天上之天曰朕

兒與鄉為天上之天可乎德曰死生足矣遂立單于大都護府

以殷王為都護令與王造宅乾封二年殷王改封相王令發向單于王奏曰見朝去暮歸得乎上曰去此二千里卒未得來王曰不能去阿母矜其小竟不遣之

垂拱二年改為鎮守使

聖曆元年五月九日改為安北都護

開元二年閏正月五日却置單于都護府移兵北都護於中受

降城

天載四載十月單于都護府置金河縣

元和元年十一月以范希朝為振武節度使就加禮部尚書振武有党項室常交居川阜凌犯為盜日入慝作謂之刮城門人情忻駭鮮有寧日希朝周視居要害營置堡柵斥候嚴審人乃獲安矣蕃雖鼠竊狗盜必殺無赦戎虜甚憚之蕃落之帥俗有

有長帥至必効其馳名馬盡從以致其歡希朝一無所受積一十四年皆保塞而不為殺單于城中舊少樹希朝於他處市柳子命軍人種之至今成林居人賴之

三受降城

景雲二年三月一日朔方道大總管張仁亶築三受降城於河上先是朔方軍北與突厥以河為界河北岸有拂雲祠突厥將上寇必先詣祠祭酌求福因牧馬料兵而後渡河時出啜盡聚眾西繫娑葛仁亶請乘虛奪取漢南之地於河北築三受降城首尾相應以絕其南寇之路唐休璟以為兩漢以來皆以黃河為界今以寇境築城恐費人力終為賊虜所有建議以為不能成功睿宗竟從仁亶番兵以助其功時咸陽兵二百餘人逃歸仁亶盡擒之一時斬於城下軍中股慄役者尽力六旬而三城

俱就以拂雲祠為中城以東西相去各四百里皆據津濟遙相應接北招三萬餘里於牛頭胡那山北置烽燧一百八十所自是突厥不得度山放牧朔方更無寇略減鎮兵數萬人初建三城不置擁門及曲敵或問之仁亶曰兵法貴在攻取不宜退守寇若至此即當併力出戰回顧望城猶須斬之何用守備生其退衄之心其後常元楷為朔方總管始擁門元和十二年九月西受降城為河徙浸毀宰相李吉甫請移兵於天德故地盧坦與李絳協議以為西城張仁亶所築得制匈奴上策城當磧口居虜要衝莫水豐草邊防所利今流水之決不過退就二里柰何棄万代永安之策狗一時省費之謀况天德故城僻處确瘠其北枕山與河絕遠烽燧警備不相統攝接虜之奔突勢無由知無故虜國二百里非利也及城使周懷義

奏列利病與坦議同事竟不行

寶曆元年五月振武節度使張維請奏以東受降城濱於河歲久雉堞摧壞請移於綏遠烽南上賜錢一百萬城之至十月功畢

安北都護府

正觀四年三月三日分頡利之地為六州左置定襄都督右置雲中都督以統降虜五年阿使郝阿咄苾敗走後其首河首領至皆拜將軍布列朝廷五品已上有百餘人始與朝士相半唯招拔不至遣使招慰之使者相望於道涼州都督李大亮以為於事無用徒費中國因上疏曰臣聞欲綏遠者必先安近中國百姓天下本根四夷之人猶枝葉擾其根本以厚枝附而永固安久未之有也自古明王化中國以信馭夷狄以權故春秋云

戎狄豺狼不可厭也諸夏親睦不可弃也今者招收突厥雖入
提封臣愚稍覓勞費未悟其有益也以臣愚見請停招慰且謂
之荒服者故臣而不內近日突厥傾國入朝既不俘之江淮以
變其俗乃置之內地去京不遠雖則寬仁之義亦非久安之計
也以中國之租賦供積惡之夷虜恐無利也其後諸蕃酋長請
上尊號為天可汗上曰我為大唐天子又行天可汗事乎是後
降筆書賜西域北荒君長皆稱皇帝天可汗諸蕃酋帥有死亡
者必下詔冊立其後嗣焉帥統四夷自茲始也其後下詔議者安邊之術
多言突厥恃強擾亂中國今日天喪之窮未歸我本無慕義之
心因其歸命遷其種落俘之江南散屬州縣各使耕耘變其風
俗百萬強胡可得化而為漢則中國有加戶之利塞北可空虛
矣中書侍郎顏師古上奏曰突厥雜虜並已歸降東北諸蕃咸

受王朔突利入侍庭闕頡利身為俘虜沙漠之外瀚海之北莫
不屈膝稽顙乞骸請命斯乃上古所不臣者陛下得而臣之矣
唯陛下斷以神機馭以長筭綱領一定垂拱無為臣聞古先哲
王內諸夏而外夷狄又曰蠻夷要服戎狄荒服言其悅服忽來
去無常也飽則飛去飢則附人今欲改其常性同此華風於事
為難理必不可當因其習俗而撫馭之臣愚以為凡是突厥鉄
勒終須河北居住分置頭首統領部落節及高下地界多少伏
听量裁為立條制遠綏迓安永永無極夏州都督竇靜上表曰
臣聞夷狄者同夫禽獸窮則搏噬群則聚麀不可以刑法繩不
可以仁義教衣食仰給不務耕桑徒損有為之人以資無知之
虜得之則無益於理失之則無益於化然彼首立之情蓋未忘
也誠恐一朝變生犯我王界愚臣之所深慮如臣計者莫若因

其破亡之後加其無妄之福假以賢王之號配以宗室之女分其土地析其部落使權弱勢分易為羈制自可永保邊塞世為藩臣此實長轡遠御之道也給事中杜楚客上議曰北狄狼戾人面獸心難以德懷易以威服陛下納其降附處之河南夷不亂華聞之前典以臣愚見必為後患存亡繼絕列聖通規事不師古難以長久禮部侍郎李百藥上議曰臣聞突厥內附盡為臣妾開辟以來所未曾有然種類區分各有統攝竊聞聖弄云欲聞其離散隨其本部署其君長不相臣屬阿使郝種縱可樹立唯臣其一族而已國小則分其權勢勢敵則難相吞滅各自保全必無抗衡中理之理此誠安邊之上策長勢之宏謨仍請於定襄城中置都護府為其節度此之一策必不可不行中書令溫彥博議曰惟漢武時置降匈奴城於五原塞下全其部落

得為扞蔽又不離其本俗因而撫之一則實空虛之地二則亦無猜忌之心若遣向江南則乖物性故非含育之道也秘書監魏徵議曰匈奴自古至今未有如斯之破敗蓋上天勅絕其命宗廟神武之所致也且世寇中國百姓寃讎陛下以其歸我不能滅之即遣河北居其故地匈奴人面獸心強必寇盜弱則卑服顧豈恩義天性然也秦漢患之若是故發猛將以繫之收河北以為郡縣陛下奈何以內地居之且降僅十萬數年之間滋息百倍居我肘腋迫近王畿心腹之疾將為後患尤不可河南處也彥博又奏曰不然天子之於物也天覆地載歸我者則必撫之今因破滅餘落歸降不加憐愍弃而不納非天地之道阻四夷之意臣愚甚謂不可遣居河南初無所患所謂死而生之亡而存之懷我德惠終無叛逆魏徵又曰不然晉世有魏時胡

落分居近邑平吳之後郭欽江統勸武帝遂出塞外不用欽等
言數年之後遂傾纏洛前代履車殷監不遠陛下必用彥博之
言所謂養畜自貽患也彥博又曰不然聖人之道無所不通古
先哲王有教無類突厥餘醜以命歸我我愛護之收居內地從
我指揮教以禮法數歲之後選其首首遣居宿衛畏威懷惠何
患之有且光武居南單于居內郡為漢藩翰終手一世不為叛逆
朝士多同彥博議上遂用之封阿史那蘇左失為懷德郡王阿
史那思摩為懷化郡王處其部落於河南朔方之地入居長安
者近萬家至十三年四月上幸九成宮頡利地中郎將阿史那
杜爾陰結部落三十人夜犯鈞陳踰四重幕引弓亂發衛士王
善主力戰死之折衝孫武開率府兵奮擊良久乃退馳入御馬
廊盜馬二十疋欲奔部落尋皆斬之言事者多言番突厥不便

於是悔處之於河南恨不用魏徵之言更議還其部落於河北
遂遣之李思摩率所部建牙於河北居蹟南令薛延陀居蹟北

二十一年正月九日以鉄勒為回紇等十三部內附置六都督

府回紇部置翰海都督府多濫葛部置燕然都督府僕骨部置

府金微都督府杖野古部置幽陵都督府同羅部置鷄林都督

府思結部置

盧山都督府

七州澤州契苾羽部置榆溪州思結別部置蹄林州白露日

州置賓並各以其首帥為都督刺史給玄金魚黃金為字以為

符信於是回紇等請於迴紇以南突厥以北置郵驛揔六十八

所以通北荒號為叅天可汗道每通貢貂皮以充賦稅至四
月十日置燕然都護府以揚州司馬李素立為都護瀚海等六
都督高蘭等七州並隸焉

二十三年二月四日西蕃沙鉢羅業護卒歸附七日以結骨部

置堅昆都督隸燕然都護府至三月九日分瀚海都督府所統
俱羅敎部置燭龍州

二十年十月三日諸突厥歸化以舍利吐利部置舍利阿史那
部置阿史那州綽部置綽州賀部州葛邏祿怛怛二部置葛邏
州並隸雲中都督府以蘇農部落置蘇州阿史那部落置阿史
德州執失部落置執失州卑失部落置卑失州郁射州部落置
郁射州多地藝失州並隸定襄都督永徽元年二月三日以臯
蘭州為都督護府署稽落州隸焉廢高闕州至十年二十日以
新移哥邏祿在烏都提山者左廂部落置狼山都督右廂部落
置渾河州並隸燕然都護府至三年十一月四日以何時部落
置稽落州隸燕然都督府

顯慶二年正月十四日分哥邏祿部落置陰山大漠二都督府
龍朔三年二月十五日移燕然都護府於迴紇部落仍改名瀚
海都護府其舊瀚海都督府移置雲中古城改名雲中都護府
仍以磧為界磧北諸蕃州悉隸瀚海磧南並隸雲中

總章二年八月二十八日改瀚海都護府為安北都護府
開元八年六月二十日勅單于安北等大都護親王遙領者加
副大都護一人准從三品摠知府事其副都護准正品上長史
正五品上司馬五品下

記聖德
碑許之

天寶九年三月二十五日
齊立上言請於新築安北大都護府建
張

天寶四年十月安北都護府置陰山縣八載於木刺山置橫塞
軍城及移安北大都護府於永清柵北築城改橫山軍為天德
軍郭子儀仍為之使兼九原太守朔方節度隴右兵馬使
會昌五年七月中書門下奏塞北諸蕃皆云振武是單于故地

不可存其名號以啓戎心臣詳謹國史武德四年平突厥後於振武置雲中都督麟德元年改為單于都護聖曆元年改為安北都護開元八年復為單于都護其在天德自正觀二十一年在并州遷徙不定今請改單于都護為安北都護勅旨從之

靈州都督

正觀二十年二月四日西蕃沙鉢羅葉率衆歸附以阿史德時健俟斤部落置臯蘭祁連二州隸靈州都督府至永徽元年廢調露元年又置魯麗塞含依契六州時人為之長安四年合為匡長二州神龍三年置蘭池都督府分為六縣開元十年復分為魯麗契塞四州其年九月朔方比邊使兵部尚書張說擒康願子於木盤山詔令移河曲六州殘胡五萬餘口於許汝唐鄧

仙祿等州始空河南朔方千里之地十八年又置匡長二州二十六年以淮南人戶却回復置宥州延恩懷德歸仁三縣咸亨三年二月八日移吐國渾部落自涼州徙于鄯州既而不安其居又徙于靈州之境置安州以處之開元元年復以九姓部落置臯蘭燕然燕山鷄田鷄鹿燭龍等六州並屬靈州至德元年七月靈武郡改為靈武大都督府正元九年七月靈武希全遷檢校右僕射靈藍等州節度使將赴鎮獻体要八章多所規諫止深納之乃著君臣箴以賜之其詞曰惟天惠人惟辟奉天從諫則聖共理惟賢皇建有極駿命不易揔萬機以成務齊六合之殊致一心不能獨鑿一目不能周視敷求哲人式序在位於戲君之任臣必其一德臣之事君感恩正直何啓沃之所宜自古今而未得良以謹言者逆耳諛

諛者伺側故下情未通而上聽已惑俾夫忠賢敗於凶慝譬彼
濟舟烝徒楫之亦有和羹宰夫執之孰云理國不自得師覆車
之軌于其懲之而高以下升采由以白受惟君無君亦臣之咎
聞諸辛毗牽裾魏后則有禽息恤忠碎首勉思猷替其平可否
勿謂無傷自微而彰勿謂何害積小成大事有隱而必見令既
出而焉悔鼓鍾在宮聲聞于外浩然涉水夏未有艾將宸以虛
心期尽忠而納誨在昔搜契實佐舜禹逮茲魏徵佐我文祖君
臣協德混一區宇予寡昧獲續丕緒臣哉隣哉尔翼尔輔高
秋始肅我武維揚輒此禁衛莫於大邦志闕方甚嘉言乃昌是
規是諫金玉其相詞高理入德知方摠彼千里備于八章宣
父有言起予者商殷有盤周有歌器或戒以詞或警以事披面
演義發於尔志與金銳而高懸將座右而同置人皆有初鮮慎

厥終汝其夙夜明保朕躬無曰尔身在外而尔誠不通善言之
應千里攸同導彼遐裕達于四聰華夷仰德時乃之風戎狄既
來懷賢冲唱予汝式示深衷

十二年九月以河東節度行軍司馬兼御史中丞李景略兼御
史大夫充天德軍豐州四夷降城都防禦等使豐州本隸芦州
至是始析之

咸通四年五月勅靈武一道別有六城屯兵不下數千制勝各
分主將今並仰割隸朔方軍其軍將委本軍署置

安東都護府

總章元年九月十四日遼東道行軍摠管司空李勣平遼東其
高麗舊有五部一百七十六城六十九萬七千户至十二月七
日分高麗地為九都督府四十二州一百縣置安東都護府於

平壤城以統之擢其酋渠為都督及刺史縣令與華人參理以
右武衛將軍薛仁貴檢校安東都護總兵二萬以鎮之至咸亨
元年四月高麗餘衆有酋長劍牟岑者率衆叛立高藏外孫舞
為主詔左衛大將軍高侃討平之至上年三月二月二十八日
移安東都護府於遼東故城先有華人任官者悉罷之至儀鳳
二年二月二日移安東都護府於新城安置仍令特進
充使鎮府至聖曆元年六月三十日改安東都護府為安東都
督府以右武威衛大將軍高仇誦為都督自是高麗舊力分散
多投突厥及靺鞨高氏君長遂絕其地並沒於諸蕃二年高臺
侍郎狄仁傑上表請收安東復其君長曰臣聞先王疆理天下
以為人極皆是封域之內樹之風聲於是制井田出兵賦其逆
命者因而誅焉罪其君吊其人存其社稷不奪其財非欲土地

之廣也非貪玉帛之貨也至漢孝武皇帝遺高祖之宿憤籍四
帝之資儲於是定朝鮮討西域平南越擊平匈奴府庫皆空盜
賊鋒起百姓嫁妻賣子流離於道路者萬計於是權沽市利筭
及舟車籠天下貨財而財用益屈末年竟悞息兵罷役封丞相
為富侯然而漢室中貧饜由此起不可與覆車同軌豈不戒哉
哉人有四支者所以捍頭目也居有四方者所以衛中國也然
以蝮蛇在手既以斷節全身狼侯一禍亦且棄之存國漢元帝
罷珠崖之郡宣帝棄車師之田非惡多而好少也知難則止是
為愛人今以海中分為兩任風波飄蕩沒溺至多准兵計糧猶
且不足中國之與蕃夷天文自隔遼東所守已足右田靺鞨遐
方更為難助弱枝強幹有國通規今欲肥四夷而瘠中國悲非
通典且得其地不足以耕織得其人不足以賦稅此乃前王之

所弃陛下勞師而取之恐非天意臣請罷薛仁貴廢安東鎮陛下允臣所請即天啓其謀非人力也三君長高氏為其主城願陛下以存亡繼絕之義復其故地此之美名高於克彘遠矣神龍元年二月四日改安東都督為安東都議府開元二年十月二十四日改平州為安東都護府以許欽淡為之

營州都督

正現二十二年十一月二十三日契丹師窟哥奚師可度者並率其部內屬以契丹部為松漠都督府拜窟哥為持節六州諸軍事松漠督府又以其別帥師稽部置峭落州折訖便部置彈汗州鼻活部置無遲州芬閣部置羽陵州突便部置白連州芮奚部置徒河州隧斤部置萬丹州出伏部置延黎赤山二州

各以首長辱紇主為刺史俱隸松漠焉以奚部置饒樂都督府拜可度者為持節六州諸軍事饒樂都府又以別帥阿會部置弱水州處和部置祁黎州奚失部置落環州慶稽部置大魯州無侯折部渴野州亦各以其首長辱紇主為刺史俱隸於饒樂焉二十四日於營州兼置東夷都護以統松漠饒樂之地罷護東夷校尉官

萬歲通天五年五月窟哥孫松漠都督李尽忠於歸城州

刺史孫萬榮殺宮州都督趙翽率兵反攻陷害營州其後營州都督寄置於幽州漁陽城至開元五年三月奚契州等款附上欲復營州於舊城宋璟固爭以為不可獨朱度禮營州都督開屯田八十餘所

開元十一年三月六日營州王田漁陽兩縣却隸幽州安東都

護府却歸燕郡平州依舊置王口
安南都護府

調露元年八月七日改交州都督府為安南都護府
大足元年四月二十六日置武安州南城州並隸安南都護府
開元二十四年正月廣州宝安縣新置屯門鎮領兵三千人以
防海口
正元七年五月置柔遠軍於安南都護府

正和四年八月安南都護奏破環王偽國號愛州都統三十萬
餘人及獲王子五十九人器械戰船戰象等稱之
其年九月安南都知兵馬使兼押衙安南副都護杜英策等五
十人狀舉本管經畧招討處置等使兼安南都護張舟到任已
來政績事安南羅城先是經畧使伯夷築當時百姓猶甚陸梁

總高教尺又甚湫隘自張舟到任因農隙之後奏請新築今城
高二丈二尺都開三門各有樓其東西門各三間其南門五間
便置鼓角城內造左右隨身十宮前經畧使裴泰時駿愛城池
被環王崑崙燒並盡自張舟到後前年築驩州城去年築州愛
城裴泰時軍城不守軍中器械劫失並盡趙昌到任日近旋除
廣州自張舟到任諸道求市每月造成器械八千事四年以來
都計造成四十餘萬事於大所左右起甲仗樓四十間收貯安
南寇戎堆利鬪戰先有戰船不過十數隻又甚遲鈍與賊船不
過接張舟自創新意造朦腫舟四百餘隻每船戰手二十五人
掉手三十二人車弩一支兩弓弩一支掉出船內迴船向背皆
疾如飛勅旨宜付所司
寶曆元年五月安南都護李元善奏移都護府於江北岸

開成三年安南都護馬植奏當管羈縻州首領或居巢穴自固
或蠻南所誘不可詔諭事有可虞自來曉以逆順今諸首領願
納賦稅其陸縣請昇為州以首領為刺史從之又所管六州界
廢珠池復生珠

以能政就加中散大夫
檢校左散騎常侍

四年十一月安南都護馬植奏當管經畧押衙兼都兵馬使
杜存誠管喜良四鄉請給廢印一面前件四鄉是獠戶杜存誠
祖父己未相承管轄其丁口稅賦與一郡一殊伏以夷貊不識
書字唯憑印文從前徵科刻木權用伏乞給發印一面令存誠
行用勅旨宜依

咸通六年十二月安南都護高駢自海門進軍破蠻軍收復安
南府自李琢失政交趾陷沒十年蠻軍北寇邕容人不聊生至
此年方復故地

安西都護府

正觀十四年九月二十四日侯君集平高昌國於西州置安西
都護府治交河城二十二年四月二十五日突厥泥伏沙涉鉢
羅葉護阿史那賀魯率眾內附置於庭州

二十三年二月十一日置瑤池都督府安西都護府以賀魯為
都督至永徽二年正月二十五日賀魯以府叛自稱鉢羅可汗
據有西域之城至四年三月十三日廢瑤池都督府
顯慶二年十一月伊麗道行軍總旗蘇定方大破賀魯於金牙
山尽收其所據之地西域悉平定方悉命諸部歸其所居開通
道路別置館驛埋瘞骸骨所在問疾苦分其疆界復其產業賀
魯所虜掠者悉檢還之西域諸國安堵如故擒賀魯以歸十一
月分其地置濠池崑陵二都護府以阿史那射為崑陵都護阿

史部步真為濛池都護其年十一月十七日分其種落列置州
縣以處木昆部為劄延都督府以胡屋祿索葛莫賀部為鹽泊
都督以突騎施阿利施部為黎山都督府以胡祿屋闕吸部為
鹽泊都督府為攝舍瞰吸部為雙河都督府以鼠尼施處半部
為鷹沙都督府其所役屬諸胡國皆置州府西盡於波斯並隸
安西都督府又以賀魯平移安西都護府於高昌故地至三年
五月二日移安西都護府於龜茲國舊安西復為西州都督以
麴智湛為之以統高昌故地西域既平遣使分往康國及吐火
羅國訪其風俗物產及古今廢置
尺齒以進因令史官撰西城齒志六十卷
四年正月西蕃部落所置州府各給印契以為徵發符信
龍朔元年六月十七日吐火羅道置州縣使王名遠進西域齒
記并請于闐以西波斯以東十六國分置都督府及州八十縣

一百一十軍府一百二十六仍以吐火羅國立碑以記聖德詔
從之以吐火羅國葉護居過換城置月氏都督府鉢州北置藍
置大夏州俱祿捷城置漢樓州烏邏置烏羅渾城置敵州吐
律州羯城置偽水州勿波城置特州蘭州置烏羅渾城置敵州吐
城置伽格州阿捺騰城置粟特州置烏羅渾城置敵州吐
雙泉州昏磨城置丁令州折密言城置遲散州置烏羅渾城置敵州吐
富樓州泥射城置達部范州檀州置烏羅渾城置敵州吐
煩厥伊城置突施恒馱城置戎州置烏羅渾城置敵州吐
取城置身毒州置烏羅渾城置敵州吐
落城置疊伏州置烏羅渾城置敵州吐
噉噉部落活路城置大干都督府弩那城置附黑州
依耐州少俱部置烏羅渾城置敵州吐
屋州烏抹新城置烏羅渾城置敵州吐
乍城置賜頰州置烏羅渾城置敵州吐
阿落羅支國王居伏寶瑟顛城置條枝都督府護開城置細柳
置巨泉州據瑟部置烏羅渾城置敵州吐
置巨泉州據瑟部置烏羅渾城置敵州吐
鎮西州縛狼部落置烏羅渾城置敵州吐

解蘇王居教滿城置馬天都督府忽論城置東離州達利

骨咄施國王居沃沙城置高附都督府葛邏健城置休密州

蜀賓國王居過紇城置脩鮮都督府羅曼城置毗舍賤那城

州遺限置龍池州塞奔弥羅城置弋州濫提城置羅市路健城

半掣城置擅持州勃逸城置烏利州體換城置漢州羅置羅健城

置懸州度州失范延國王居伏戾城置寫鳳都督府肩僚城置洽倫州縛時伏麟

且城置鉗敦州揭隆石汗那國王居豔城置悅舡州俱蘭城置双靡州

護時犍國王居過密城置奇沙州曼山城置沛隸州

但沒國王居但沒城置和默州粟弋州置

烏拉唱國王居摩竭城置旅敖州

多勒建國王居低保那城置崑嶺州

俱密國王居褚瑟城置至拔州

護密多國王居模達城置烏飛鏐和州訶城

久越得建國王居步師城置玉庭州

波斯國疾凌城置波斯都督府各置縣及折衝府並隸安西都

督府咸亨元年四月二十二日吐蕃陷我安西罷四鎮龜茲

自山之南則漢西域舊池勝兵數千其王姓白氏去瓜州三千

里正現二十年閏十月一日阿史那社爾波斯國虜其王以南

于闐北葱嶺北二百里勝兵數千俗多機巧好說怪在西南有

白日昇天與群胡辭訣曰我暫逆天上尋當下生其後出天竺

國化為胡王太子自稱白物因造此寺焉二十二年閏二月內

附其地為閻信入都督府分其十州龍名突厥騎友常役於

馬香西突厥其俗頗有魚鹽之利正現十八年十一月左衛大

將軍郭格城之疎勒育勝兵二千去瓜州四千里族正現九年遣使獻名馬

內附已上
是四鎮

蘇氏記曰咸亨元年四月罷四鎮是龜茲于闐焉耆疏勒
至長壽二年十一月復四鎮勅是龜茲于闐疏勒碎葉兩
四鎮不同未知何故

調露元年九月安西都護王方翼築碎葉城四面十二門作屈
曲隱伏出沒之狀五旬而畢

長壽二年十一月一日武威軍摠管王孝傑克復四鎮依前於
龜茲置安西都護府高臺侍郎狄仁傑請捐四鎮上表曰臣聞
天生四夷皆在封域之外故東拒滄海西隔流沙北
漢南阻五嶺此天所以限夷狄而隔中外也自典籍所及三代
不能致者國家兼之矣此則今日之四境已逾於夏殷 昔詩
人矜薄伐於太原美化行於江漢是則前代之遠裔而國家之

域中至前漢時匈奴無歲不犯邊殺掠吏人後漢西羌侵軼漢
中三輔東羌入河東上黨遂至洛陽由此言之則陛下今日之
之土宇過於周漢前朝遠矣若越荒外以為限竭資財以騁欲
非但不愛人力亦所以失天心也國家頗歲出師所費滋廣西
戎四鎮東戍安東調戍日加百姓虛弊聞守西域寺等石田費
用不貲有損無益行役既久怨曠亦多昔詩云王事靡盬不能
藝稷黍豈不懷歸畏彼罪罟念彼離人涕零如雨此則前代怨
畏之詞皆為遠戍方外以竭中國爭蠻貊不毛之地乎子育蒼
生之道昔漢元帝納賈捐之之謀而罷珠崖之郡宣帝用魏相
之策而弃車師之田豈欲慕尚虛名蓋憚人力勞也近正觀年
中克平九姓冊李思摩為可汗使統諸部者蓋以夷狄叛則伐
之降則撫之得推亡固存之義無遠戍勞人之力此則近日令

典綏邊之故事竊見阿史那斛瑟羅陰山貴種世雄沙漠若委
之四鎮使統諸蕃封為汗可遣其禦寇則國家有繼絕之美荒
外無轉輸之役如臣所見請捐四鎮以肥中國罷安東以實遼
西况綏撫夷狄蓋防其越逸苟無侵侮之患則可笑何必窺其
窟穴與螻蟻計較長短哉伏願陛下棄之度外無以絕域未平
為念但當勅邊兵謹守以待其自敗然後繫之此李牧所以制
匈奴也故鹽鉄論云夫蚩貊之人不食之地何以煩思慮而爭
之哉莫若聚軍實富威武以逸待勞則戰士力倍以主禦客則
我得其便堅壁清野則寇無所得自然賊深入必有顛躓之慮
淺入必無虜獲之益如此數年可使二虜不繫而服之右史崔
融請不收四鎮議曰北地之為中國患者久矣唐虞以上為獯
鬻殷周之際曰獫狁西京東國有匈奴冒頓烏當塗典午有烏

凡鮮卑焉拓拔世有蠕蠕獯狂宇文朝有突厥睢盱斯皆名號
因時而改種落與運而遷五帝不能臣三王不能制兵連禍結
無代不有長策遠算曠古莫聞夫胡者北狄之總名其地南接
燕趙北窮沙漠東連九夷西戎六戎天性驕鷺覘伺便隙鳥飛
獸走莫轉水移自言天地所生日月所置漢高皇以百萬衆窘
於平城之下逮至武帝赫然發憤肆志遠邊使張騫始通西域
既而立四郡據西閩以斷匈奴右臂乃復度河湟築令俱塞以
絕南羌北狄於是障塞亭燧出長城四十里矣于斯時也承文
景玄默之後國用富強練兵選將深入窮追傾府庫之財殫士
馬之力行人使者歲月亭障貳師驃騎尾首閩河餓虎未摧其
國已耗橐駝既捷其人亦殫乃至造皮幣算緡錢稅舟車推酒
酤夫豈不懷深為長久之計然也匈奴於是乎孤時遠竄羽檄

不行焉始孝武開西域之後為置使者校尉領護之宣元哀平
此道不替王莽篡位貶易王侯由是西域怨叛與中國隔絕並
復投屬匈奴光武中興匈奴稅重皆遣使求內屬至于延光三
通三絕至國家太宗方事外討復脩孝武旧跡並南山至于葱
嶺盡為府鎮煙火相望至高宗務在安人命有司拔四鎮其後
吐蕃果驕大入西域焉者以西所在城堡無不降下遂長驅東
向踰高昌壁歷車師庭侵常樂界當莫賀延蹟以臨我燉煌主
上乃命右相常待價為安息道行軍大摠安西都護閻安古為
副閻罪焉賊逢有備不一戰而走我師追殲至于焉耆糧道不
竟亦無功朝廷以為畏懦有刑流待價於瓊州弃文古於秦州
至王孝傑而四鎮復焉今若拔之是弃已成之功忘久長之策
小慈者大慈之賊前事者前事之師柰何不面也四鎮無守則

狂益贍必兵加西域。諸蕃氣羸恐不能當長蛇之口西域
動自然威臨南羌南羌樂禍必以封豕助虐蛇豕交連則河西
危河西危則不得救矣方須命將出師役興動衆向之所得今
之所勞向之所勞今之所送可不謂然乎而議者憂其勞費念
其險遠曾不知蹙國滅土春秋所譏杜漸防萌危安之計頃者
若兵稍遲番賊先要害則河西郡已非國家之有今安得而拔
之手何謂非國家之有莫賀賈犢者延袤二千里中間水草不
生焉此有強寇則難以度磧漢兵難度則磧比伊西北庭安西
及諸蕃無救無救則疲兵不能自振必為賊吞之又焉得懸軍
深入乎有以知通西域艰难也漢時單于上書願保塞請罷邊
徠郎中侯應習邊事以為不可東京時西羌作亂徵天下兵賦
役無已司徒崔烈以為宜弃涼州議郎傅燮屬言曰斬司徒天

下乃安涼州天下要衝蕃衛代宗招竟烈置西郡議者以為斷
匈奴右臂烈為宰相不念為國思所以弭兵之策乃欲國弃一
方萬里之土若使左衽之虜得居此地土勁甲堅固以為亂此
天下之至慮社稷之深憂竟從燮議今宜日慎一日雖休勿休
採侯應不可之言納傳燮深憂之議然後風為號今雷為折衝
繕甲兵思將帥上與天合德下與地合明中與人合心善戰者
不陣如斯而已矣拔舊安西之四鎮委難制之西匈求絕將來
之端蓋考已然之驗伏念五六月至于再三愚下固陋知其不
可

建中二年七月加伊而北庭節度使李元忠北庭大都護以四
鎮節度番後郭昕為安西大都護四鎮節度觀察使詔曰二庭
四鎮統任西夏五十七蕃十姓部落國朝已來相奉率職自關

隴失守東西阻絕忠義之徒泣血相守慎固封畧奉遵禮教皆
侯伯守將交脩共理之所致也其將士叙官可超七資初自兵
一固已來安西北庭為蕃虜所隔間者節度李嗣業荔非元禮
孫至直馬璘輩皆遙領之郭昕者子儀猶子李元忠始曾令名
忠後賜改焉自主其任嘗發使奉表章于朝教輩皆不達信問
不至朝者十餘年及是遣使自回紇歷諸蕃至故有是命
正元六年十二月是歲吐蕃陷北庭都護府初北庭安西既假
道於迴鶻以朝奏因附庸焉蕃性禽獸徵求無度人不聊生又
有沙陀部落六十餘帳與北庭相依屬於迴鶻肆其抄奪尤所
厭苦其三葛祿部落又白眼突厥素與迴鶻通和亦憾其侵掠
因吐蕃厚賂見誘遂附之於吐蕃率葛白眼之衆去歲冬來寇
北庭迴鶻大相頡于迦斯率衆援之頻戰敗績吐蕃攻圍頗急

北庭之人既苦迴鶻是歲乃卒城降於吐蕃沙陀亦降焉北庭
節度楊襲古與麾下二千餘人奔西州七年秋頡于迦斯又悉
其國丁壯六萬人將復北庭仍召襲古皆行我為吐蕃葛六所
敗死者大半頡于迦斯紹之曰與我同至牙帳當送君歸本朝
襲古從之及牙帳竟殺之姚州都護府
麟德元年五月八日於昆明之弄棟州置姚州都督府每年差
兵募五百人鎮守

神功二年五月八日蜀州刺史張柬之上表曰姚州者古哀牢
之舊國自生人已來不與中國交通前漢唐蒙開夜郎滇笮而
哀牢不附至光武季年始請內屬漢置永昌郡以統理之乃收
其鹽布氈蜀之稅以利中土其國西通大秦南通交趾奇珍進

貢歲時不闕及諸葛亮五月渡瀘收其金寶鹽布以益軍儲使
張伯岐選其勁卒以增武備前代置郡其利頗深今鹽布之稅
不供珍奇之貢不入而空竭府軍驅率平人受役蠻夷肝腦塗
地臣竊為國家惜之漢以得利既多歷博南越蘭津渡蘭蒼為他
南哀牢二縣蜀人愁怨行者歌曰歷博南越蘭津渡蘭蒼為他
人蓋漢得其利人且怨歌今與國家無絲髮之利在百姓受終
身之酷臣竊為國家痛之往者諸葛亮破南中使其渠帥自相
統領不置漢官亦不畱鎮守人問其故亮云置官畱兵有三不
易大旨以置官夷漢雜居猜嫌易起畱兵運糧為患更重忽若
反叛勞費更多粗設紀綱自然久定臣切以亮之斯策妙得羈
縻蠻夷之術今姚府所置之官既無安邊靖寇之心又無葛亮
且縱且擒之術唯知詭謀狡筭恣情剝貪功劫掠畧積以為

常扇動首渠遣成朋黨提挈子弟嘯引亮遇今見散在彼州專以掠為業姚州本龍朔中武陵縣主簿石于奏立之後長史李護幸文協並為郡蠻所殺又使將軍李義總往征郎將劉惠在陣戰死其州遂廢郎將葛亮稱置官徧兵有三不易之言遂驗垂拱四年南蠻郎將王善宝它州刺史乾福又請置州奏言所有課稅自出姚府管内更不勞擾蜀州及置州後錄事參軍李陵為蠻所殺延載年中馬成琛請於瀘南置鎮七所遣蜀兵防守自此蜀中搔擾至今不絕伏乞罷姚州使隸舊府歲時朝覲同之蕃國瀘南諸國悉廢於瀘北置関百姓非奉使入蕃不許交通來往疏奏不納

開元九年二月二十五日勅姚州官員准中州置祿料階資依都督府

天寶八載六月劍南索磨川許新置都護府宜以保寧為名

雜錄

開元四年三月四日勅諸都護府史並令於管内依式簡補申所司勘責然後給告身

萬壽宮卷之七十三


世長隨黃

國

縣

六月

日 國 南 宗 德 川 指 揮 置 縣 於 此 以 新 尊 德 公



程